

M337: Salomons Haus (+ 'Von den Zeichen der Messe' S. 105-138, Vaterunserauslegung S. 138-148, 'Gespräch zwischen Christus und der minnenden Seele' S. 148-162)

- 1,1 "ferculum fecit sibi rex Salomon
1,2 de lignis Libanî" et
1,3 cetera . dise rede ist geschriben . in
1,4 dem minnebuoche . unde schribet
1,5 sie uns Salomon . unde diutet sich
1,6 alsus . "Salomon der zimberte
1,7 ein hûs . von tiureme geziuge .
1,8 er tet daz holz houwen . an dem
1,9 berge der dâ heizet Libanus . die
1,10 siule wâren silberîn die schranke
1,11 von golde . die trappen wâren
1,12 pfellelvare . unde der esterich von
1,13 minnen ." an disen worten sô
1,14 lêret der heilige geist . geistliche
1,15 liute . wiegetâne wîs sie solen
1,16 unde mügen arbeiten nâch rehter
1,17 innicheit unde . komen zuo
- 2,1 der êwigen sælicheit . daz tuot
2,2 er mit vûnf dingen . die hier der
2,3 heilige geist setzet . dâ Salomonis
2,4 hûs vone gemachet was .
2,5 daz eine was daz holz . daz
2,6 man hiw . in dem berge Libanô .
2,7 unde bezeichnenet . die wirdicheit
2,8 unsers gelîchnisses . daz
2,9 ander wâren die silberînen
2,10 siule . unde bezeichnenet die sælicheit
2,11 unser lôsungen . daz dritte
2,12 was der güldîne schranc .
2,13 unde bezeichnenet . daz guote
2,14 bilede . unsers hêrren . an den
2,15 worten . unde an deme lebene .
2,16 daz vierde was der pfellelvare

- 2,17 trappe unde bezeichnenet
- 3,1 die vollekome manheit .
3,2 der guoten liute . die vore
3,3 uns sint gewesen . daz vünfte
3,4 was der esterich . der êwigen
3,5 minne unsers hêren . dise
3,6 vünf dinc sol ein iegelich mennische
3,7 prûeven . der geistlîche werden
3,8 wil . unde geistlîche gâbe
3,9 unde sunderlîche heimelîchkeit .
3,10 von gote erkennen wil . wiegetâne
3,11 wîs . daz wil ich iuch sagen .
3,12 alse verre als ich ez von gote
3,13 haben mac . unde alle die ez
3,14 hoerent . die solen biten got . mit
3,15 mir daz er mîne sinne . unde ire
3,16 herze wolle erliuhten unde
3,17 entvengen . zuo sîner liebe . unde
- 4,1 zuo sîneme lobe . Jêsu . Christe schepfære
4,2 aller dinge . loesære aller süntære .
4,3 barmherziger vater aller dîner
4,4 kinde . erbarme dich über mich .
4,5 unde über alle die . die dise rede
4,6 entvâhent diemüeticlîche . unde
4,7 verlîch uns die vruht dirre lêre .
4,8 daz wir wêrlîche von dînen
4,9 worten dich erkennen . unde inniclîche
4,10 minnen unde êwiclîche
4,11 dienen . unde hier dîne
4,12 heimelîchkeit erkrîgen . unde
4,13 dînes rîches vrôuwede . mit dînen
4,14 hulden nâch diseme lîbe besitzen .
4,15 daz verlîch uns zuo dîneme
4,16 lobe an dîneme namen . âmên .
4,17 von der wirdicheit der sêlen
- 5,1 “ferculum fecit sibi rex Salomon .
5,2 de lignis Libanî .” nû prûeve
5,3 unde merke . geistlîcher mennische .
5,4 dise lêre unde wort . obe
5,5 dû wilt werden rehte geistlich .
5,6 unde heimelîchkeit unde
5,7 sunderlîche genâde von gote .
5,8 erkrîgen . ich hân dir gesaget
5,9 daz Salomon machete ein hûs .
5,10 von tiureme geziuge . diz hûs

5,11 bist dû unde dîne sêle . dâ got
5,12 inne wonet . unde inne wonen
5,13 sol . diz hûs ist von tiureme
5,14 geziuge . wente daz holz
5,15 ist kumen von dem berge Libanô .
5,16 daz ist sô vile gesprochen .
5,17 dû bist geschaffen . unde gebiledet

6,1 nâch gote . der sich dem
6,2 berge gelîchet . wande Daniel
6,3 schrîbet von ime . daz er sach
6,4 einen stein . der wart gesniten
6,5 von dem berge âne schaden .
6,6 unde wuohs an einen grôzen
6,7 berc . der ervulte alle die werlt
6,8 dirre stein ist unser hêrre Jêsus
6,9 Christus . der âne mannes heimelîchkeit
6,10 wart geboren . von der
6,11 gotes kraft . von der reinen
6,12 maget sancte Marîen . von der
6,13 daz holz gehouwen wart . dô
6,14 dû an dîner sêlen entvienge daz
6,15 gelîchnisse sîner goteheit . unde
6,16 er an sîner – lieben muoter .
6,17 liebe daz gelîchnisse dîner

7,1 mennischheite nam . nû geloube mir .
7,2 maht dû unde kanst dû . unde wilt
7,3 dû prûeven . die wirdicheit dîner
7,4 sêle . die got an dich . êren hât
7,5 geleget . sô vindes dû dâr ane
7,6 grôze wirdicheit . dannen abe dîn
7,7 herze wirdet entvenget . zuo grôzer
7,8 innicheit . wiegetâne wîs
7,9 daz prûeve . daz eine ist daz dîn
7,10 sêle unsüntlich ist . unde ein
7,11 geistliche geschefnisse . unde
7,12 ist gesazt . unde gemacht .
7,13 ein vrouwe über alle unsüntliche
7,14 krêatiuren gote gelîch
7,15 unde der engele genôz . eîâ nû
7,16 prûeve die grôze wirdicheit .
7,17 unde lâ dir versmâhen der sünden

8,1 bôsheit . eineme guoter hande
8,2 mennischen . dem sol rehte versmâhen
8,3 unzuht . unde wie mac
8,4 grôzer unzuht gesîn . wanne daz

8,5 sich ein künigîn . mit eineme
8,6 ungeslahten luoderære verdarbte .
8,7 unde ein schoene mennische . eineme
8,8 esele gelîch würde . alsô geschiet
8,9 dir vile armer mennische . swanne
8,10 dû dîne sêle dem tiuwele opferes .
8,11 unde gotes geschefnisse an dir
8,12 vertîliges . daz ander ist . dû solt
8,13 prûeven daz dîn sêle untôtlich
8,14 ist . unde niemer von pînen .
8,15 joch von müeden verwerden mac .
8,16 wannen abe ist daz . wante von
8,17 dem untôtlichem gote . der sie

9,1 untôtlich gemachet hât . nâch
9,2 ime selber . der dâ êwic unde
9,3 untôtlich ist . wære dîn sêle tâtlich .
9,4 sô en wære sie niet gotelich .
9,5 eiâ geistlicher mennische . sît dem
9,6 mâle dîn sêle ist êwic . unde untôtlich .
9,7 sô minne niht tiuschereie .
9,8 unde unreht . daz dâ ist zuoganclich .
9,9 sô minne daz dû minnen
9,10 maht . unde minnen solt .
9,11 daz ist got . der dich minnet
9,12 âne valsch . daz dritte ist dû
9,13 solt prûeven . unde merken die
9,14 wirdicheit . dîner sêlen . man
9,15 mac dir dîne sinne nemen .
9,16 beide hoeren . unde sprechen . unde
9,17 dich dînes selbes lîbes ungewaltic

10,1 tuon . wan dîn herze
10,2 ist ungebunden . dâr umbe
10,3 maht dû dîne gedenke vrîliche
10,4 senden . in daz himelrîche . unde
10,5 in daz vegeviur . unde zuo helle . unde
10,6 an daz ertrîche . swaz dû
10,7 wilt . oder vîanden . unde vriunden .
10,8 dînen lieben vriunden sendes
10,9 dû mit gedenken . dînes herzen
10,10 boten . unde lades sie . mit
10,11 gerungen . unde bringes sie . mit
10,12 der gehugnisse . unde brûches
10,13 sie mit der innicheit . eiâ geistlicher
10,14 mennische nû prûeve unde
10,15 merke mit mir . die sælicheit
10,16 die süeze ist . an dirre vrîheit .

- 10,17 unde versmâhe die sünticliche
- 11,1 dinc . die dir benement dise vrîheit .
11,2 daz vierde ist . dû solt prûeven
11,3 dîner sêlen kraft . daz sie
11,4 dîneme lîchamen . daz leben gibet .
11,5 unde in meisteret . unde sîn
11,6 vrouwe ist . nû prûeve geistlîcher
11,7 mennische . wâr umbe makes dû
11,8 dich sô snoede . unde sô unwert .
11,9 unde bewîsest dîn unzuht sô
11,10 sêre . daz dû dînen kneht . oder
11,11 dîne diernen sô sêre êrest . unde
11,12 ire sô vlîzic bist . unde dîner
11,13 vrouwen sô unvlîzic bist . die sô
11,14 schoene unde sô edele . unde sô wert
11,15 ist . daz ist dîn sêle . ô wê sûezer
11,16 got . nû verlîch uns die sinne .
11,17 daz wir unser sêlen kraft .
- 12,1 unde ire werdicheit erkennen .
12,2 hier mite hât sie noch eine kraft .
12,3 daz sie sich mit gotes kraft .
12,4 allen iren . vîanden entsagen mac .
12,5 . sie en wolle danne selbe mite
12,6 volgen . geistlîcher mennische . wâr
12,7 umbe en vihtes dû niht manlîche .
12,8 sît dem mâle daz dich got . sô
12,9 manlich hât gemachet . daz
12,10 vûnfte ist . dû merke dîner sêlen
12,11 sinne . unde ire wîsheit . nû sage
12,12 mir wâr umbe erkennent liute
12,13 der sunnen schîn . unde des
12,14 mânen kraft . unde der sterren
12,15 licht . wene von deme underscheide
12,16 unde von der wîsheit
12,17 der sêlen . nû sage mir wer entkenet
- 13,1 der steine . unde der
13,2 wurze kraft . wen der sêlen underscheit .
13,3 wer zemet daz wilde
13,4 tier . wante des mennischen
13,5 wîsheit . wer betriuget unde
13,6 vâhet den wilden vogel . unde
13,7 wer gewaltiget daz wilde
13,8 tier . wen des mennischen underscheit .
13,9 nû sage mir wer mac
13,10 wizzen . waz guot oder boese sî .

13,11 oder waz lobelich . oder unlobelich
13,12 sî . ime wone rehte sinne
13,13 bî . nû merke danne liebe minne
13,14 obe daz dir dîn sin saget
13,15 daz dû diz dâr von hâst . sô
13,16 solt dû den meister dirre gâben
13,17 minnen . her nâch sô salt

14,1 dû prûeven . unde merken . daz
14,2 sehste daz got . dîner sêlen wirdicheit
14,3 ane gewîset hât . daz
14,4 ist daz . daz got dîne sêle sô wert
14,5 unde sô edele gemacht hât .
14,6 daz sie rehte blîdeschaft – . oder
14,7 vröuwede niet haben mac . siu en
14,8 habe iren schepfære got . an dem
14,9 unde mit dem siu sich vröuwe . alsô
14,10 sprichet sancte Augustîn . “omnes
14,11 copia quae deus meus” et cetera .
14,12 daz quît aller der trôst . der
14,13 mir ûzer gote kumet . daz
14,14 ist ein untrôst . eîa nû prûeve
14,15 geistlicher mennische . dîner sêlen
14,16 wirdicheit . daz got sal . unde
14,17 willt selbe . unde muoz wesen

15,1 ire trôst . eîa reiner got . unde
15,2 milter schepfære . unde barmherziger
15,3 vater . nû erbarme
15,4 dich über mich . unde über mîne
15,5 vriunde . unde verlîch mir .
15,6 von dîner milticheit . rehte
15,7 wîsheit daz wir kunnen .
15,8 unde mügen erkennen . unser
15,9 sêlen wirdicheit unde dich
15,10 dâr umbe zuo rehte minnen .
15,11 wende dâr zuo sint uns gegeben
15,12 der sêlen sinne . unde wie
15,13 mohte grôzer wirdicheit
15,14 sîn . wene daz dû uns hâst
15,15 gegeben . geistlich unde untôtliche
15,16 vrîheit . hêrschaf über alle
15,17 krêatiuren . unde daz dû muost

16,1 ire trôst wesen . salt dû von deme
16,2 tôde genesen . hêrre von deme
16,3 êwigen tôde loese sie . durch
16,4 dîne unbegriffenliche barmherzicheit .

16,5 unde verlîch in dîner
 16,6 hulde sælicheit . in dîneme namen .
 16,7 âmên . — — — — diz ist von den silberîn siulen
 16,8 her nâch
 16,9 sô salt dû prûeven unde
 16,10 merken . daz Salomon daz gezimbere
 16,11 hât gemachet . ûfe silberîne
 16,12 siule . die siule bezeichnenent
 16,13 die wirdicheit unde sælicheit .
 16,14 dîner lôsungen . die got hât an
 16,15 dich geleget . die dû prûeven
 16,16 salt . daz machet dir sunderlîchen
 16,17 innicheit . unde bringet ouch

17,1 suezicheit . wiegetâne wîs daz
 17,2 merke . die eine sûl ist daz
 17,3 got dir zuo eineme loesære . unde
 17,4 zuo einer lôsungen . gegeben hât
 17,5 sînen sun . unde niuwet einen
 17,6 engel . oder einen erzengel .
 17,7 oder einen patriarchen . oder
 17,8 prophêten . wene Jêsum . Christum sînen
 17,9 sun . ze wære daz was grôze
 17,10 minne . unde gunst . alse Paulus
 17,11 sprach . “dâr an ist uns gotes
 17,12 minne geoffenbâret . dô wir
 17,13 süntære wâren dô gap er uns
 17,14 sînen sun . Jêsum Christum an den
 17,15 tôten .” “in hoc commendat .” et cetera .
 17,16 unde sancte Johannes sprach .
 17,17 “in hoc caritas dei non quot

18,1 nos dilexerimus eum set quot
 18,2 ipse prior dedit nobis .” et cetera .
 18,3 “dâr ane schînet gotes minne .
 18,4 daz wir in niuwet von êrest
 18,5 minneten . wande er was der
 18,6 minnen anebeginne unde
 18,7 gap uns sînen sun . Jêsum Christum
 18,8 zuo eineme loesære unser sünden .”
 18,9 nû prûeve geistlîcher mennische .
 18,10 diz ist ein schoene sûl . dâr an
 18,11 sich dîn sêle haben mac . unde
 18,12 sal . merke dîne wirdicheit . unte
 18,13 dîne sælicheit . ez ist unde was
 18,14 ein grôz unmügelich dinc .
 18,15 daz got dîne sêle wolte loesen .
 18,16 unde reinigen . mit sînem bluote .

- 18,17 unde geben sîne sêle umbe dîne
- 19,1 unde mit sîner pînen dîne
19,2 vertrîben . unde dich von deme
19,3 tôde mit sîneme tôde loesen . wærlîche
19,4 ez was ein michel dinc .
19,5 dâr umbe en solt dû dîner sêlen
19,6 niut alse kleine ahten . die got
19,7 sô tiure hât erlöst . unde dâr
19,8 umbe er ein sô tiure pfant hât
19,9 gegeben . dâr umbe salt dû niut
19,10 sie . umbe sô kleine sünde geben .
19,11 kêre dîne sinne dar wert .
19,12 unde merke wie grôze pîne
19,13 dû ernest . obe dû got unseren
19,14 hêrren sô grôzes . unde sô
19,15 lobelîches dinges rüemest .
19,16 daz ander ist . dû salt prüeven
19,17 daz dir got bî dise sûl hât gesazt .
- 20,1 noch ein ander dâ mite
20,2 er dînen geist sterket . unde
20,3 dich zuo – der innicheit ladet .
20,4 unde wærlîche ez sol dir
20,5 von rehte innicheit machen . daz
20,6 unseme lieben hêrren dâr ane
20,7 niet en genüegete . daz er dir sînen
20,8 sun gap . zuo eineme loesære . er en gebe
20,9 ouch dir . daz himelrîche zuo eineme
20,10 erbe . daz urkündet sancte Paulus .
20,11 dô er sprichet “der heilige geist .
20,12 der urkündet unserme geiste .
20,13 daz wir gotes kinder sîn .
20,14 unde sîn wir gotes kinder .
20,15 sô sîn wir doch sînes rîches erbe .
20,16 unde hûsgenôz sînes lieben
20,17 sunes .” eîâ nû merke geistlîcher
- 21,1 mennische . die grôze gâbe unsers
21,2 hêrren . er hât dir gemachet ein
21,3 erbe sînes rîches . niet ertrîches .
21,4 wen des himelrîches . daz en
21,5 ist niet zerganlich . wande ez
21,6 ist êwic . niet kleine unde grôz .
21,7 dâ ist vröuwede âne mâze . dâ ist
21,8 leben âne ende . jugent âne alter .
21,9 vride âne trüebnisse . êre âne haz .
21,10 minne âne valsch . sicherheit âne

21,11 vorhte . süeze geselleschaf der heiligen
21,12 engele . vriuntschaf unser vrouwen
21,13 sente Marîen . gotes wærlîch
21,14 bekantnisse . vollekommen
21,15 minne . sælic brûchnisse . unde
21,16 dâr ane . wünne aller blîdeschaft .
21,17 nû merke geistlicher mennische .

22,1 diz ist daz rîche dâr dû zuo hoeres .
22,2 unde dâr dû zuo bist erbe
22,3 gemachet . nû reinige dîneme
22,4 briutegoume dîn herze . mit ganzer
22,5 minne der dir hât bereitet
22,6 sô grôze wünne . diz ist
22,7 danne die ander sûl . dâr an
22,8 sich dîn geist neigen sol . ûf daz
22,9 er wîsheit entvâhe . unde mit gâben bestê .
22,10 dâr nâch
22,11 sô salt dû prûeven daz got die
22,12 dritten sûl hier bî hât gesazt . dâ
22,13 mit er dînen geist aber sterket .
22,14 unde dir sunderlîche innicheit
22,15 machet . her an daz er
22,16 mit deme kristenlîchen gelouben .
22,17 den er dir gegeben hât .

23,1 machete disen aller den zuo genâden .
23,2 allen sînen holden . nû prûeve
23,3 wie grôze genâde . unde liebe
23,4 er an dir bewîset hât . merke wie
23,5 vile lebene . unde geistlicher
23,6 ordene . sî an der heiligen kristenheit .
23,7 sô prûeve mêt . wie manic
23,8 guot mennische sî dâr ane . sô prûeve
23,9 vûrebaz . wie manige tugent .
23,10 in den liuten sî . sô prûeve vûrebaz .
23,11 wie manic guot dinc . von disen
23,12 liuten gedâht werde . unde wie
23,13 manic inniclich gebet . von disen
23,14 gesprochen werde . wærlîche
23,15 daz ist âne mâze . unde âne zal .
23,16 sich des bist dû alles teilhaft . mit
23,17 dem kristenlîchen gelouben . unde

24,1 mit der minnen dînes herzen .
24,2 wande sancte Augustinus sprichet .
24,3 “swanne ich an einem anderen
24,4 daz minnen . daz an mir niet

- 24,5 en ist . sô wirdet mit der minnen
24,6 sîn genâde mîn .” nû prûeve geistlicher
24,7 mennische . wer mac geben .
24,8 oder wer gibet . oder wer gap
24,9 ie . sô grôze gâbe . umbe sô kleine
24,10 dinc . daz ein mennische haben
24,11 mac . aller liute genâde . umbe
24,12 kleine dinc . unde umbe reine
24,13 minne . unde wer hât diz gegeben .
24,14 wene der sûeze got . von
24,15 himelrîche . unde wâr umbe .
24,16 wen daz er dich rîche machete
24,17 aller genâden . unde daz dû vrôe
- 25,1 würdes über alle sîne gâbe .
25,2 ô wê vile armer unde ouch
25,3 vile rîcher mennische . obe dû wilt .
25,4 nû prûeve disses vriundes minne .
25,5 unde vriuntschaft . wie grôz ez ist .
25,6 daz er gegeben hât . unde ouch
25,7 wie grôz ez ist . daz dâ vone kumen
25,8 mac . unde ouch daz . die minne
25,9 noch grôzer . unde edeler ist .
25,10 dannen vone ez kumen ist . wærlîcher
25,11 dinge . prûeves dû wie grôz
25,12 der minnære ist . unde wie unbegriffenlich
25,13 sîne minne ist . unde
25,14 wie grôz die gâbe ist . die er
25,15 an disen dingen . zuo dir hât getân .
25,16 sô muost dû jehen mir . daz dû
25,17 in von rehte minnen solt . unde
- 26,1 alle dîne liebe kêren zuo ime .
26,2 der sô grôze liebe hât gekêret
26,3 zuo dir . her nâch sô hât
26,4 er dir die vierden sûl bî die
26,5 dritten gesazt . ûfe daz dîn
26,6 herze deste starker sî . unde innicheit
26,7 entvâhe . dannen abe daz er
26,8 dir dicke . sînen lîchamen gegeben
26,9 hât . leider dô dû in ouch sünticliche
26,10 entvienge . unde swanne
26,11 dû in geistliche mit dem priester
26,12 entviengest . unde mit der innicheit
26,13 des herzen . in der messen .
26,14 dâ dû sie hoerest . unde wâr umbe .
26,15 dâr umbe daz dir vore der entvengnisse .
26,16 der abelâz quæme . dîner

- 26,17 missetât . unde der trôst dînes
- 27,1 geistes . unde daz dû gesterket
27,2 wûrdes dînes geistes . unde daz
27,3 dû gesterket wûrdes wider dîne
27,4 bekorungen . dû entkennes
27,5 daz wole . daz dû süntic bist . dâr
27,6 umbe sô erkenne ouch daz dâr
27,7 ane . wie grôz ôtmüetigheit daz
27,8 sî daz got unser hêrre mit der
27,9 himelischen spîsen . spîsen willt .
27,10 unde laben mit der engele brôte .
27,11 unde prûeve ouch . daz dâr ane .
27,12 sancte Paul sprichet . “swer dit brôt .
27,13 unwirdicliche entvæhet . daz ist
27,14 daz mit houbetsünden izzet . daz
27,15 daz sînen tût entvæhet . unde wer
27,16 in wirdicliche entvæhet . der dâ
27,17 ist âne houbetsûnde . den hilfet
- 28,1 iz zuo manigen dingen .” iz erliuhtet
28,2 daz herze . unde troestet den
28,3 geist . iz vertîliget ouch tagelîche
28,4 sünde . unde gîbet kraft . unde
28,5 vordnisse zuo den tugenden . unde
28,6 sterket den mennischen wider bekorunge .
28,7 nû sich wie grôz ein
28,8 dinc . dâr umbe sô râten ich dir .
28,9 tuo alsô . daz dû diz brôt mit wirdicheit
28,10 entvâhes . alsô verre alsô
28,11 dû maht . sô vlîz dich . daz dîn
28,12 herze reine sî . unde dîn geist .
28,13 senftemüetic . dîn sâme wizzentheit .
28,14 gote gerâten . unde gote
28,15 innic zuo dîneme ebenkristene willic .
28,16 sô erkrîges dû sælicheit unde wirdicheit
28,17 her nâch sô salt dû prûeven
- 29,1 die vünfte sûl . dâ mite er dînen
29,2 geist sterket . unde dich zuo
29,3 der innicheit manet . dâr ane
29,4 daz er dînen knappen hât geboten .
29,5 daz sie dîn dienest sîn .
29,6 daz sint die heiligen engele .
29,7 den er dich bevolhen hât . daz sie
29,8 dîn kamerære sîn . unde dich bewaren .
29,9 daz sie dich von boesen unrechter
29,10 geiste gewalt bewaren .

29,11 unde daz sie dich zuo guoten tugenden
29,12 manen . unde daz sie dîne
29,13 innicheit . unde gebet bringen
29,14 vüre got unsern hêren . also
29,15 Tobîas sie gesach . dô der engel
29,16 zuo ime sprach . “dô dû dîne almuose
29,17 gæbe . unde dîn gebet spræche . dô

30,1 brâhte ich ez vüre got in daz himelrîche .”
30,2 nû merke geistlîcher mennische
30,3 her an dîne wirdicheit . daz
30,4 got dir hât gegeben . einen kamerære .
30,5 den dû niht kleiden joch
30,6 spîsen en darft . wande er ist dîn
30,7 dienst von gotes gebote . unde
30,8 kan dir wole gedienen . wan er
30,9 die wîsheit hât . unde tuot ez
30,10 ouch gerne . wande er die rehte
30,11 minne treget . unde mac iz wole
30,12 wande got mit ime wonet .
30,13 unde mit gote . eîa geistlîcher
30,14 mennische . nû wis kiusche unde
30,15 reine . unde wole gezogen . unde
30,16 behalt disen gotes boten . dînen
30,17 kneht . zuo urkûnde . daz gît

31,1 dir gotes hulde . her nâch
31,2 sô salt dû prüeven . daz got hât
31,3 dir an dînen zimber . die sehsten
31,4 sûl gesazt . ûfe daz dîn herze
31,5 destestarker werde . zuo sîneme
31,6 lobe . unde sîneme dieneste . unde
31,7 dîn geist mêr entvenget werde .
31,8 zuo sîner minnen . dâr ane hât
31,9 er gesaget . er sî dîn vater . unde
31,10 sulest in ane sprechen . also dînen
31,11 vater . unde an dîneme gebete .
31,12 dâr umbe sprach er . “wanne ir
31,13 betent . sô sprechent . pater noster .”
31,14 daz quît got vater unser .
31,15 unde ouch anderswâ . sprach er .
31,16 “ir en solet niut sprechen . daz
31,17 ir habet einen vater . in dem

32,1 ertrîche wande iuwer aller
32,2 vater ist in deme himelrîche .”
32,3 nû prüeve geistlîcher mennische .
32,4 des biten ich . wâr umbe wânes

32,5 dû . wolte er . daz dû in vater
32,6 nametes . unde dû sîn
32,7 kint wæres . wan dâr umbe .
32,8 daz er dir offenbârte . wie grôz
32,9 sîn minne zuo dir ist . unde
32,10 wie vlîzic er dîn ist . daz maht
32,11 dû in dem vaterlîchen namen
32,12 unde hêrren prüeven . nû sich ob
32,13 ein tôtlich mennische . sîn kint sô
32,14 liep hât . unde sîn sô vlîzic bist .
32,15 daz er niut deme kinde versagen
32,16 mac . noch im versaget aller
32,17 der dinge . der ez . zuo sîner sælicheit

33,1 geret . wie mohte danne
33,2 got von himelrîche . sînen kinden
33,3 versagen . die er tûsent warbe
33,4 lieber hât . er sprichet durch
33,5 den prophêten Isaïam . “mac ein
33,6 muoter vergezzen ires einborenen
33,7 kindes . ich en mac iuwer
33,8 decheine wîs vergezzen niet .
33,9 wente ir sît mir an mîne hende
33,10 geschriben .” dâr umbe geistlîcher
33,11 mennische . wande dîn got
33,12 sô vlîzic ist . sô wis sîn vlîzic .
33,13 unde tuo als daz kint . wider
33,14 sînen vater tuon sal . wis ime
33,15 gehôrsam . unde undertænic .
33,16 unde minne in innicliche .
33,17 unde diene ime vrûmicliche .

34,1 sô ne mac ez dir niemer missegân .
34,2 unde sô salt dû an gote
34,3 bestân . unde besitzen hier des
34,4 herzen innicheit . unde nâch
34,5 diseme lîbe die êwigen sælicheit .
34,6 her nâch prüeve die sibenden
34,7 sûl . die er hât an dînen zimber
34,8 gesazt . ûfe daz dû desten starker
34,9 wæres wider den vîant . unde
34,10 ouch daz dû desten manlicher . werdest
34,11 zuo sîneme dieneste . dise sûl
34,12 ist der ôtmüetigen dienst . daz
34,13 ime niut dâr ane genüege .
34,14 daz er dîn vater was . unde
34,15 ist mêr . er wolte dîn knecht
34,16 werden . unde dir dienen an

- 34,17 diseme ellende . ô wê süezer got
- 35,1 von deme hôhen himele . unde
35,2 wer gesach ie sô grôze ôtmüetigheit .
35,3 daz got sîneme gelîchnisse
35,4 wolte dienen . ûfe daz sie
35,5 ireme schepfære desten williclicher
35,6 dienen . der hêrre wart des
35,7 knehtes kneht . ûfe daz der
35,8 kneht wûrde grôz . unde wûrde
35,9 der hêrren genôz . eîâ nû
35,10 prûeve waz got der hêrre ane
35,11 hât bewîset . wer was der dienstman .
35,12 daz was got selbe
35,13 von himelrîche . der dâ ist ein
35,14 hêrre . in dem himele . unde in
35,15 der erden . der ôtmüetigete . sich
35,16 dâr zuo daz er dîn kneht wart .
35,17 dâr umbe sô salt dû prûeven sînen
- 36,1 dienst . wie getriuwelîche
36,2 er dir diene . daz er allez tet
36,3 durch dîne sælicheit . unde durch
36,4 dîne hoffeninge . dâ mite prûeve .
36,5 wie ôtmüetigliche er daz tete .
36,6 wande er an dîneme dieneste .
36,7 manige smâchheit leit . dâ mite
36,8 prûeve wie innicliche er daz
36,9 tete . unde ouch wie minnicliche .
36,10 wande dir dannen abe sô
36,11 grôze sælicheit kumen ist . nû
36,12 prûeve überlût mir . geistlicher
36,13 mennische . der dâ wesen wil ein
36,14 brût . unde ein gotesbrût . wer
36,15 dirre dienstman sî . unde wâ
36,16 er dir gedienet hât . unde diene
36,17 ime ôtmüetigliche . unde
- 37,1 sô nützeliche . daz ime dâr abe
37,2 lop kumen müge . unde gedenke
37,3 daz dû ime des schuldic
37,4 bist . beide dâr umbe wende
37,5 er dir gedienet hât . unde
37,6 dienes dû ime hier . sô wil er dir
37,7 dienen in deme himelrîche .
37,8 mit allen sînen holden . sich liebe
37,9 nû hâs dû siben siule . dâ der
37,10 heilige abe sprach . daz die wîsheit

37,11 machete ein hûs . unde
37,12 zimberte daz ûfe siben siule .
37,13 also ich dir gesaget hân . die
37,14 wîsheit des himelischen vateres .
37,15 was unde ist unser hêrre Jêsus
37,16 Christus . der ein hûs an dîner sêlen
37,17 gezimberet hât . unde daz geneiget

38,1 ûfe siben siule . also ich
38,2 dir gesaget hân . unde wêrlîcher
38,3 dinge . wilt dû rehte prûeven .
38,4 sô sal ez mir unde dir .
38,5 von rehte innicheit . unde minne
38,6 zuoze ime geben . obe dû ane
38,7 sihest . die siben wirdicheite . die
38,8 er dir ane geleet hât . also ich
38,9 hier vore gesprochen hân . iz
38,10 was ein michel . unde ein grôz .
38,11 daz er selbe wolte dich . mit
38,12 sîn selbes bluote loesen . unde
38,13 dich machen erbe . sînes rîches .
38,14 unde ouch teilsam der genâden
38,15 machen . aller sîner holden .
38,16 unde dîner sêlen spîsen . mit
38,17 sîneme heiligen lîchamen . unde

39,1 dâ bî sînen engelen bevelhen .
39,2 unde selbe dîn vater wesen .
39,3 unde an diseme ellende dir
39,4 dienen . unde wie mohte ie
39,5 grôzer minne werden . ô sûezer
39,6 milter got aller gûete . berihte
39,7 unser gemûete .
39,8 unde verlîch
39,9 uns die sinne . daz
39,10 wir dich von herzen minnen .
39,11 unde gip zuo dînen gâben
39,12 die annæmicheit . unde
39,13 wone unseren sêlen bî . daz
39,14 wir behagen dir an dîneme
39,15 namen . diz ist von dem
39,16 gûldînen schranke
39,17 nû hân ich gesaget von deme

40,1 holze . unde von den silberînen
40,2 siulen . daz ist von den
40,3 manicvaltigen genâden . die
40,4 got an unser sêle geleet hât .

40,5 beide an unserme geschefnisse .
40,6 unde an dere lösungen . nû solent
40,7 ir prüeven unde merken
40,8 von dem güldînen
40,9 schranke .
40,10 daz ist unser hêrre Jêsus Christus .
40,11 der selber güldîn ist . von der
40,12 wîsheit unde verguldet alle
40,13 dinc . mit sîner goteheit . der hât
40,14 uns einen schranc gemachet .
40,15 mit sîneme heiligen bilede . sînes
40,16 lîbes . dâr ane wir solen unde
40,17 prüeven mûgen . wiegetâne

41,1 wîs wir leben solen . obe wir
41,2 ein reht vollekomen leben .
41,3 geistliche halten solen . des wir
41,4 begeren . unde ouch wir dâr
41,5 zuo gebunden sîn . unde sagen
41,6 ich iuch wâr umbe . die genâde
41,7 unde die dinc . dannen abe ich
41,8 vore iuch gesprochen hân . die
41,9 bewîsent die wirdicheit . unte
41,10 die sælicheit . dâr ane wir geschaffen
41,11 sîn . unde manet uns .
41,12 zuo der rehten liebe . unde gibet
41,13 den rehten minnæren innicheit .
41,14 unde lêret wîsheit .
41,15 durch die sache . danne die ich
41,16 gesprochen hân . unde ouch
41,17 durch die anderen . die dâr ane

42,1 beslozen sint . sô solen wir die
42,2 dâ heizent geistliche liute . uns
42,3 dâr ane vlîzen wiegetâne
42,4 wîs . wir unser leben vore
42,5 setzen . daz got dâr ane gelobet
42,6 werde . wande iz kumet
42,7 dicke alsô . swanne ein mennische
42,8 denket unde merket . waz
42,9 got sîner sêlen habe getân .
42,10 unde waz er ir sælicheite habe
42,11 bereitet . daz sîn herze wirdet
42,12 entvenget . zuo gote . unde daz er
42,13 die liebe . unde die minne gevazzet .
42,14 daz er vûrebaz dienen
42,15 willt . als er wânte dâ her getân
42,16 haben . unde sô wolte er wîzen

- 42,17 wiegetâne wîs . er daz
- 43,1 tuon wolle . daz bewîset unser
43,2 hêrre . in deme dritten stücke .
43,3 in deme güldînem schranke .
43,4 daz ist bî dem bilede sînes rehten
43,5 lebenes . dâr ane dû prûeven
43,6 maht . geistlicher mennische .
43,7 wie dû leben salt . obe dû rehte
43,8 an dîneme lebene werden wilt .
43,9 vier teil sint an deme güldînem
43,10 schranke . die dû prûeven
43,11 salt . unde ouch bî den werken .
43,12 halten . die vindes dû an dem
43,13 bilede . unseres hêrren Jêsus Christî .
43,14 daz eine ist . die ôtmüetigheit .
43,15 unde volkomen gehôrsamicheit .
43,16 die er bewîset an drîn
43,17 dingen . dâr ane . daz er sînem
- 44,1 vater gehôrsam was . von rehte
44,2 wande er über ime was
44,3 in der goteheit . unde dâr ane
44,4 daz er sîner muoter gehôrsam
44,5 was . von minnen . die ime
44,6 gelîch was in der mennischheit .
44,7 unde ouch dâr ane daz er Josephe .
44,8 unde sancte Johannes baptistê .
44,9 undertænic was . von ôtmüetigheite .
44,10 wande sie wâren mit
44,11 allen stücken . undertænic . ime .
44,12 sô prûeve her ane . wilt dû dînes
44,13 briutegoumen volgære wesen .
44,14 sô salt dû des selben pflegen . dû
44,15 salt dich ôtmüetigen under
44,16 die . die über dich sint . daz sint
44,17 alle die bezzer danne dû . oder
- 45,1 wîser . oder mêr vollekommen .
45,2 unde den dû dîne sêle bevolhen
45,3 hâst . diz ist reht . dâ bî
45,4 sô salt dû prûeven unde merken .
45,5 unde dich ôtmüetigen unde
45,6 gehôrsam wesen . den . die dir
45,7 gelîch sint . unde daz solt dû
45,8 tuon von minnen . daz salt dû sô
45,9 vernemen . daz dû sie troestes .
45,10 unde in helfes . an iren noeten .

45,11 unde in ouch entwîchest . dâ
45,12 mite salt dû dich ôtmüetigen .
45,13 unde gehôrsam wesen . den die
45,14 under dir sint . daz ist reht
45,15 ôtmüetigheit . wilt dû daz tuon .
45,16 sô salt dû in eteswanne verswîgen .
45,17 unde ire krancheit mit

46,1 in . unde ire unvollekumenheit
46,2 tragen . dise driu dinc gebiutet
46,3 got sancte Pêtere . unde spricht
46,4 alsus . “die die hêrschaf über
46,5 haben . die solen gehôrsam sîn
46,6 mit vorhten .” daz ist mit vlîze
46,7 daz eine . daz ander ist alsus .
46,8 er spricht “ir sulet . iuwer sêle
46,9 kestigen . unde êwigen mit
46,10 deme gehôrsameden .” daz meinert
46,11 er alsô . daz wir gehôrsam
46,12 wesen sulen . von minnen .
46,13 die kein reht über uns en
46,14 haben . von dem dritten spricht
46,15 er ouch . er saget . “ir solent
46,16 iuwer ôtmüetigheit bewîsen .”
46,17 unde wâr ane mac ich baz .

47,1 ôtmüetigheit bewîsen . wene daz
47,2 ich gehôrsam wîsen .
47,3 den die under mir sint . sich
47,4 hâs dû diz . unde tuost dû diz . sô
47,5 ist si an dir gemachet unde
47,6 vollebrâht . daz eine teil des
47,7 schrankes . unde an diseme
47,8 teile sô maht dû vinden ougenweide .
47,9 wande dir von disen
47,10 dingen grôze genâde kumen
47,11 mac unde mit dirre gehôrsameden .
47,12 sô salt dû sigen vehten .
47,13 wider dîne vîande . unde bewaret
47,14 dich vore bekorunge .
47,15 unde machent ouch die werc .
47,16 gote âne minne . diz ist grôze
47,17 gâbe . diz salt dû prûeven .

48,1 an dem êrsten stücke . des lebenes
48,2 unsers hêrren Jêsu Christî . her
48,3 nâch sô salt dû volgen der gehôrsameden .
48,4 daz vlîzige werc .

48,5 unde getriuwe dienst . daz vindes
48,6 dû ouch an unserme hêrren .
48,7 wande er an allen sînen werken .
48,8 sînes vater lop . unde êre
48,9 sterkete . unde sînen vîanden
48,10 was er getriuwe . unde wider
48,11 sîne vîande . unde sîne widersachen .
48,12 sô tet er unbarmherzicliche .
48,13 sich vriunt alsô muost
48,14 dû tuon . wilt dû gotes volgære
48,15 wesen . dû salt zuo êrest . den
48,16 bezzisten daz bezziste geben . daz
48,17 ist unser hêrre von himelrîche .

49,1 dem salt dû von êrest . von
49,2 dem herzen daz bezziste geben .
49,3 daz ist die milticheit . wente
49,4 sancte Paule sprichet . daz sie
49,5 über alle dinc müge sîn . wente
49,6 sie gibet genâde . an diseme lîbe
49,7 unde ouch nâch diseme lîbe .
49,8 dâ mite sô salt dû gote geben .
49,9 dîne kiuschicheit . von dîneme lîbe .
49,10 wande sie verlihet sunderliche
49,11 heimelîchkeit . dâ mite
49,12 salt dû ime von den werken
49,13 geben den lop . sich daz ist daz
49,14 bezziste . daz unseren hêrren
49,15 ane gebüret von himelrîche .
49,16 dâr nâch sô salt dû dîneme
49,17 vriunde von himelrîche

50,1 getriuwe sîn . unde en salt sie
50,2 niet schiere begeben . obe sie dir
50,3 niet wole getriuwe en wæren . dâr
50,4 nâch sô salt dû . barmeherzicliche
50,5 mit den vriunden varen . nû
50,6 prûeve dise dinc . bist dû gote unserme
50,7 hêrren milte . der verlihet
50,8 dir die genâde . bist dû getriuwe
50,9 daz beheltet dich . an den genâden .
50,10 bist dû barmeherzic . daz mêret
50,11 dir die genâde . nû prûeve diz
50,12 ist daz ander . daz hoeret zuo diseme
50,13 schranke . daz dû vlîzic
50,14 sîst an den werken . her
50,15 nâch sô volget daz dritte .
50,16 daz dû gedultic sîst .

50,17 an dem ungemache .

51,1 dâr umbe wilt dû dînes dinges
51,2 vlîzic sîn . sô muoz dîn
51,3 manic dinc genützen . unde
51,4 dâr zuo sô salt dû gedultic sîn .
51,5 unde an drîn dingen sunderlîche .
51,6 dû salt dîne verholene .
51,7 vîande . gedulticlîche . vertragen .
51,8 alsô lange biz sie got melde .
51,9 oder daz sie sich selbe melden .
51,10 alse tet unser hêrre Jêsus
51,11 Christus . Judas der sîn verholene
51,12 vîant was . daz ander ist . dû
51,13 solt dîn offenbâre vîande widersâzen
51,14 minniclîche tœugen .
51,15 unde niut dich zuohant
51,16 vûrhten . alsô vindes dû ouch
51,17 an unserme hêrren . Jêsu . Christu .

52,1 daz er tet bî den boesen pharisêwen
52,2 unde schrîben . die ime
52,3 wider wâren offenbâre . daz
52,4 dritte ist . dû solt ouch gedultic
52,5 wesen . obe dich eteswanne .
52,6 dîner vriunde beswæret . alsô
52,7 vindes dû ouch an unserme
52,8 hêrren . dô in sîne jungeren
52,9 begeben hatten . an sîner martelen .
52,10 dô tougete er sich alsô .
52,11 lange . biz sie aber wider quâmen .
52,12 tuos dû diz . unde bist dû
52,13 her ane gedultic . sô kumet
52,14 dir drîer hande genâde . dannen
52,15 abe . daz eine ist . die gedulticheit .
52,16 beheltet dîne sêle an
52,17 genâden . unde bewart von

53,1 ungenâden . daz ander sie gibet .
53,2 dînen sinnen die wîsheit .
53,3 daz dritte ist . sie lobet dir
53,4 grôze vrôuwede . unde trôst . daz
53,5 eine sprichet unser hêrre . “in
53,6 patientia vestram . possidebitis animas
53,7 vestras .” daz ander sprichet
53,8 Salomon . “qui patiens est multa
53,9 gubernatur sapientia .” daz
53,10 dritte sprichet aber Salomon .

53,11 "usque at templus sustinebit patiens .
53,12 et postea redditio jocunditatis ."
53,13 daz quît der gedultige
53,14 mennische . sal sich zuo einen
53,15 stunten – töugen . wande
53,16 got willt mit vröuweden lônem
53,17 her nâch zuo dem vierden mâle

54,1 sô salt dû – dich vlîzen . daz
54,2 dîn leben werde sô vûre gesetzt .
54,3 daz iz müge gote lobelich
54,4 sîn . unde ouch dir unde
54,5 dîneme ebenkristene nütze sî .
54,6 unde dâr zuo hoerent ouch
54,7 driu dinc . daz eine ist die
54,8 reinicheit . des herzen . unde
54,9 die rehte wizzentheit . wande
54,10 die liebe die gemeinschaft .
54,11 unde reht êre . vore gote unserme
54,12 hêrren . dâr umbe sprichet
54,13 sancte Paul . "gloria – nostra haec
54,14 est testimonium conscientiae nostrae ."
54,15 dê lop unde unser êre . die liget
54,16 an dem urkünde unser
54,17 rehten wizzentheit . daz ander

55,1 ist . dû salt dich vlîzen . an
55,2 guote site . sô volget dir sælde mite .
55,3 alsô meinen ich . daz dû solt
55,4 dînen vlîz . darwert kêren .
55,5 daz iemer dîne wort . an dîneme
55,6 gruoze süeze sîn . unde dîne
55,7 antwürte minniclîche . unde
55,8 dîne berespunge senftmüetic .
55,9 unde dîn tuon dienst hefticlîche .
55,10 hier mite sô maht dû erkrîgen
55,11 guote site . daz dritte ist .
55,12 dû salt eteswanne . dînen schaden
55,13 tuon . durch ander liute willen .
55,14 unde vromen unde ouch
55,15 untrôst . durch iren trôst entwâhen .
55,16 daz sprichet Salomon . der
55,17 daz tuot . daz dâ reht ist . nû merke

56,1 aber mit mir geistlîcher
56,2 mennische . nû die minne unde
56,3 die liebe . die dir got sunderlîche .
56,4 aber an disen dingen geoffenbæret

- 56,5 hât . dâ mite daz ime
56,6 niut dâr ane begenüege . daz
56,7 er dir bewîset hât . die sælicheit
56,8 dîner geschefnisse unde dîner
56,9 lôsungen . ûfe daz dû dâr ane
56,10 erkentes . daz er dîn ganz vriunt
56,11 wære . der dir sô grôze sælicheit
56,12 zuo gekêret hât . unde daz dû
56,13 dâr ane prüevetes . daz dû ime
56,14 von rehte dienen soltes . unde
56,15 daz dû ez vroelîche tætes . wande
56,16 dû sô manic zeichen sîner minnen
56,17 hætes . unde dâ mite . unde
- 57,1 dâr nâch . sô hât er dir vüre
57,2 geleet . daz reine bilede sînes
57,3 lebenes . dâ dû ane merken
57,4 salt . wiegetâne wîs dû dîn
57,5 betwenget leben ordinieren
57,6 soltes . obe dû beginnente liebe
57,7 entvngen habest . zuo sîneme
57,8 lebene unde zuo sîneme dieneste .
57,9 dû salt prüeven unde merken
57,10 disen schranc . unde einen sôgetânen .
57,11 an dîn herze zimberen .
57,12 unde machen . daz ist alsô vile
57,13 gesprochen . dû prüeve unde merke
57,14 an dem bilede unsers hêren .
57,15 unde kêre dîn leben dâr nâch .
57,16 wilt dû ein reht mennische wesen .
57,17 alsô daz dû ôtmüetiglîche .
- 58,1 unde vlîzic an dem dieneste
58,2 unsers hêren . unde gedultic .
58,3 an dem widermuote . der
58,4 arbeite . unde dâ mite nütze
58,5 an dem lebene . unde daz dû
58,6 diz getuon mügest . dâr umbe
58,7 solt dû got biten . unde sprechen
58,8 mit mir . hêre keiser unde
58,9 künic . von himelrîche . unde
58,10 barmherziger vater . süeze
58,11 unde reine . briutegoume der
58,12 minnære der sêlen . gip mir
58,13 dîner armen krêatiuren . unte
58,14 dîner ungetriuwen tohter .
58,15 daz ich noch dir getriuwe müge
58,16 wesen . unde alsô liebe . daz

- 58,17 von mîneme lebene . dîn lop werde
- 59,1 gebreitet . unde mîn sælicheit
 59,2 werde gemêret wande
 59,3 sol ich dîn volgerinne werden .
 59,4 daz ich kunne ôtmüetic . unde
 59,5 gehôrsam sîn . unde vlîzic an
 59,6 dîneme dieneste . unde daz ungemach
 59,7 gedulticliche zuo
 59,8 entvâhenne . unde mir unde
 59,9 ander liuten . nützlichliche lebe .
 59,10 daz sol unde muoz von dînen
 59,11 genâden sîn . unde kumen . eiâ
 59,12 nû genâde mir genædiger got .
 59,13 durch alle die genâde . die dû
 59,14 ie mennischen gegæbe . gip mir
 59,15 daz ich kunne . unde müge .
 59,16 dir alsô gedienen . daz mîn
 59,17 dienst dir behage . unde
- 60,1 ich von diseme lîbe mit dînen
 60,2 hulden vare . daz gip mir
 60,3 an dîneme namen . âmên . diz
 60,4 ist von deme trappen der gên sal
 60,5 zuo dem güldînen schranke
 60,6 ich hân iuch gesaget . von dem
 60,7 schranke . her nâch sô volget
 60,8 der himeltrappe . der was pfellelvare .
 60,9 daz ist daz heilige leben .
 60,10 unde vollekommen . daz unser
 60,11 gesellen hæten . die vore uns
 60,12 sint gewesen . die hât uns ouch
 60,13 got zuo trôste gegeben . unde
 60,14 zuo meisteren gelâzen . wande
 60,15 an ireme lebene mügen wir
 60,16 vinden . wiegetâne wîs
 60,17 wir mügen unde solen .
- 61,1 zuo dem schranke klimben .
 61,2 wande sie lêrent weliche
 61,3 tugende . wir von in solen haben .
 61,4 in dem vergenclîcheme lebene .
 61,5 wande sie die himeltrappen .
 61,6 miet . wer daz tuon willt . der
 61,7 muoz vridesamic sîn . wande
 61,8 dâ mite erkrîget er got . “wande
 61,9 gotes wonunge .” sprichet
 61,10 der prophête . “ist an dem vriden .”

61,11 nû prûeve geistlicher mennische
61,12 wilt dû eine vridesamige conscientien
61,13 erkrîgen . ûf daz got mit
61,14 mir wonen müge . sô solt dû volgen
61,15 mînes râtes . unde tuon
61,16 driu dinc . daz eine ist . dû salt
61,17 dîne . ûzwentige sinne wole

62,1 bewaren . dâr umbe . wande
62,2 sie sint umbe daz herze . alse
62,3 der lantwere . umbe daz lant .
62,4 oder die mûre . oder die porte
62,5 umbe die stat . unde wanne
62,6 der lantwere wole bewart
62,7 ist . sô mügen die liute sich
62,8 desten baz enthalten . vore iren
62,9 vîanden . alsô sagen ich dir
62,10 geistlicher mennische . wanne dîne
62,11 sinne wole bewart sint . ûzewentige .
62,12 sô maht dû desten baz
62,13 bewaren . unde den bekorungen
62,14 widerstên . daz ander ist .
62,15 dû solt ûzer dîneme herzen
62,16 werfen vridebrechære . daz ist
62,17 übermuot . unde îtel êre . zorn

63,1 unde haz . unde geistliche gire .
63,2 der hôhe muot . der ist ein roubære .
63,3 der got rouben willt sîner
63,4 êren . unde dâ mite . sô roubet er
63,5 dich sîner genâden . alsô brichet
63,6 den vriden der hôhe muot . enzwischen
63,7 gote unde der sêlen .
63,8 unde dâr umbe sô salt dû in verwîsen .
63,9 wilt dû den vriden haben .
63,10 dû solt ouch vertrîben den zorn .
63,11 von dem herzen . der ist ein
63,12 mordære . wande er genâde an
63,13 dîneme herzen . den tugenden
63,14 macheten in dem herzen . unde
63,15 was der trappe pfellelvare . wande
63,16 sie nâmen der tugende güete
63,17 war . unde disen himeltrappen

64,1 salt dû haben . wilt dû gote
64,2 behagen . daz ist sô vile gesprochen .
64,3 dû solt dîn herze nâch iren
64,4 tugenden kêren . wilt dû dînen

64,5 schepfære vollicliche êren . wiegetâne
64,6 wîs . daz wil ich dir
64,7 sagen . alse verre als ich ez von
64,8 gote hân . diz ist von der heimeliche gotes
64,9 daz eine ist
64,10 der êrste grât . an dem trappen .
64,11 dannen vone wir vinden geschriben .
64,12 daz dû prûeven salt . daz die
64,13 heiligen wâren gote heimelich .
64,14 unde got in was heimelich . alsô
64,15 salt dû dich vlîzen dâr ane .
64,16 daz an dîner sêlen dir werde
64,17 got heimelich . daz prûeve wiegetâne

65,1 wîs dû salt tuon . alse die
65,2 tuont die eines dinges heimelichkeit
65,3 haben wollent . sie botescheftent
65,4 daz dinc . alsô salt dû tuon .
65,5 unde senden dîne boten dînes
65,6 herzen . daz sint die gedenke .
65,7 in daz himelrîche . zuo unserme
65,8 hêrren . unde prûeve sîne grôze
65,9 ôtmüetigkeit . die dû dâr ane
65,10 prûeven maht . alein er hôch
65,11 unde wert sî . über alle dinc .
65,12 iedoch ôtmüetiget er sich . zuo
65,13 der reinen sêlen . dâ mite zuo
65,14 dem ander mâle . sô salt dû in
65,15 zuo dir laden . mit der gerungen
65,16 unde in danne zuo dem
65,17 dritten mâle . minnicliche

66,1 entvâhen . unde ime dînes herzen
66,2 heimelichkeit offenbâren .
66,3 unde ouch ime kleinôte geben .
66,4 von dem herzen . daz ist allez
66,5 dîn ungemach . zuo sîneme lobe .
66,6 sîne minne tuost dû . diz kumet
66,7 dir mit drîer hande genâden .
66,8 daz eine ist . iz erliuhtet dir
66,9 die sinne . unde gibet dir ouch
66,10 die geistlichen vrôuwede . unde
66,11 sterket dich wider ungemach
66,12 daz eine bewîset unser hêre .
66,13 in Lucâ . dô in sîne zwelif jungeren
66,14 hâten nâher in gebeten . unde
66,15 in twungen daz er mit in
66,16 wære . unde dô er zuoze in quam

- 66,17 unde daz brôt brach . dô erliuhte
- 67,1 er in ire sinne . ouch daz sie
67,2 in erkanten . die in niet vore erkanten
67,3 daz ander bewîset
67,4 unser hêrre . an einer anderen
67,5 stat . dâ er zuo sînen jungeren
67,6 quam . dâ sie beslozzen wâren .
67,7 under dem berge zuo Galileae . unde
67,8 trôste sie . unde stêt dâ . daz
67,9 sie gevrôuwet wurden . mit sîneme
67,10 anegesihte . daz dritte bewîset
67,11 unser hêrre . an einer anderen
67,12 stat . an Jobe . der von gotes
67,13 bekantnisse unde von sîner
67,14 heimelîchkeit . vollen mennischlîche
67,15 sprach . sîn ungemach senfticlîche .
67,16 unde gedulticlîche .
67,17 truoc als er selbe urkündet mit
- 68,1 sînen worten . an einer stat .
68,2 an sînen buoche . dâ er sprach . “etiam
68,3 si occiderit me . et cetera .” daz
68,4 quît . joch ob mich got toeten wolte .
68,5 doch sô muoste ich ime . wole
68,6 getrûwen . nû sage mir wâr abe
68,7 quam . dise sicherheit . wêrlîche
68,8 von der heimelîchkeit . daz bewîset
68,9 er wole an einer anderen
68,10 stat . dâ er sprach . “joch weiz ich
68,11 wole . aleine iz got noch verberge
68,12 an sîneme herzen . er wil doch
68,13 mîn mit gûete gedenken .” sich
68,14 diz gap ime die heimelîchkeit .
68,15 daz er sicher was . an sîneme ungemache .
68,16 unde iz gedulticlîche
68,17 entruoc . unde entvienc .
- 69,2 der ander grât
69,3 an diseme trappen . ist daz dû
69,4 haben salt einen ôtmüetigen
69,5 geist . daz vindes dû ouch an den
69,6 heiligen . Dâvît sprach . “ich bin
69,7 geôtmüetiget . an allen stücken .
69,8 dar wir quâmen . mit dîneme
69,9 geiste . humiliatus sum usque quaque
69,10 et cetera .” alsô salt dû dich ôtmüetigen .
69,11 ûzen . unde innen . unde

- 69,12 dise ôtmüetigheit kumet dir
69,13 von drîn dingen . daz eine ist .
69,14 der mennische sal zuo allen stunten .
69,15 gote jehen wirdicheit . unde
69,16 merke daz er sait denken . unde
69,17 ouch allez daz . verholen
- 70,1 wesen mac . in deme herzen .
70,2 unde hoeret die wort . unde ouch
70,3 sô erkennet er wole die tât .
70,4 wie volkomen sie sî . diz ôtmüetet
70,5 den mennischen sêre .
70,6 daz ander ist . er sal merken
70,7 sîne kranchheit . unde unvollekumenheit .
70,8 wie vile er versûmet
70,9 sîner rehten zît . unde
70,10 daz selbe . daz er leistet . wie
70,11 vollenkomenlîche er daz tuot .
70,12 daz dritte ist . er sal prûeven .
70,13 daz dechein ander wec . en
70,14 ist zuo den genâden . wante die
70,15 ôtmüetigheit . willt ein mennische
70,16 genâde an gote vinden .
70,17 sô muoz er sie suochen mit ôtmüetigheit .
- 71,1 dâr umbe sprichet
71,2 die heilige schrift . “quanto magnus
71,3 humiliare in omnibus et coram
71,4 altissimo inuenies gratiam .”
71,5 daz quît . sô dû hôher unde
71,6 werder bist . sô dû dich ie mêr
71,7 ôtmüetigen salt . sô vindes dû
71,8 genâde an gote . nû prûeve hâs dû
71,9 des vlîz . unde wilt dû wizzen .
71,10 ob dû an disen grât kumen
71,11 sîst . daz salt dû merken an drîn
71,12 dingen . daz eine ist der ôtmüetige
71,13 geist . der en willt niut
71,14 sich an nemen vremeder genâden .
71,15 daz er sich dâr zuo zûcke . daz
71,16 an ime niet en ist . daz ander
71,17 ist die selbe genâde . die an ime
- 72,1 ist . die verbirget sie . sô sie verreste
72,2 mac . unde en suochet dâr
72,3 ane decheinen lop . wande
72,4 versmâhet man sie . daz ist
72,5 ire vrôuwede . daz dritte ist der

72,6 ôtmüetigen geist . lîdet unde
72,7 treget gedulticliche . obe
72,8 man iergen saget ûfen in vremede
72,9 – schult . unde gedenket
72,10 waz sîn heilant ie geleit .
72,11 daz was von unschult . nû
72,12 sich danne geistlicher mennische .
72,13 diz ist der ander grât . an dem
72,14 trappen . den dû ûf stîgen salt .
72,15 zuo dem güldînen schranke .
72,16 von der – – diemüeticheite der herzen
72,17 her nâch sô salt dû

73,1 prûeven . den dritten grât . daz
73,2 ist die innicheit des herzen .
73,3 die dû haben salt . unde die
73,4 dû vindest an dînen vorevaren .
73,5 den heiligen liuten . die
73,6 dir sîn gelâzen zuo bileden .
73,7 unde salt dâr umbe haben
73,8 die innicheit des herzen . sich
73,9 wilt dû sie danne haben . sô
73,10 salt dû driu dinc haben . die an
73,11 dem mennischen innicheit machent .
73,12 daz eine ist . daz merke
73,13 waz got wunderes hât
73,14 begangen . mit ime dâr ane .
73,15 daz er in wolte bileden . nâch
73,16 sich selben . unde daz er in
73,17 hât getragen . an den sünden

74,1 sô lange unde daz er in sô
74,2 minnicliche . von den sünden
74,3 hât . unde sô wirdicliche
74,4 gezogen . unde ouch sîne genâde .
74,5 dicke âne alle wirdicheit
74,6 gegeben . unde sînen
74,7 süezen reinen lîchamen . unde
74,8 manige ander genâde . dâr
74,9 abe ich vore gesprochen hân .
74,10 in deme anebeginne . unde
74,11 kurzliche hier sal bedenken .
74,12 unde merken . waz ime
74,13 got guotes habe . getân . unde
74,14 gûnste habe gewîset . daz
74,15 ander ist . er sal merken unde
74,16 prûeven . waz got ime
74,17 kûnste hât bewîset . an den

75,1 krêatiuren . daz er durch sîne
75,2 liebe . unde zuo einer minnen
75,3 zeichene hât gemachet . die schoenen
75,4 sunnen . unde den mânen .
75,5 unde daz gestirre . unde daz
75,6 ertrîche . unde dâr inne manige
75,7 schoene krêatiuren . daz
75,8 wazzer . unde dâr inne manigen
75,9 seltsænen visch . den luft
75,10 unde dâr inne manigen seltsænen
75,11 vogel . schoene an dem
75,12 anegesihthe . unde süeze an
75,13 der stimmen . unde wunderlich
75,14 an der natûren . daz ist
75,15 allez dâr umbe geschên . daz
75,16 er den mennischen bewîsete sîne
75,17 wîsheit . unde güete . unde

76,1 minne . die er zuo ime treget .
76,2 daz dritte ist er sal prüeven .
76,3 unde merken . waz got ime
76,4 geben wile . er merke sô er
76,5 verreste kunne . weliche vröuwede
76,6 ime got habe bereitet .
76,7 in deme himelrîche . dâ er gotes
76,8 bekantnisse vindet . unde
76,9 kurzlîche aller vröuweden wünne .
76,10 unde alles jâmeres ende .
76,11 nû prüeve liebe dise driu ding .
76,12 unde denke die machent dir
76,13 innicheit . an dem herzen . daz
76,14 dû merkes waz got . dir guotes
76,15 hât getân . unde ouch tagelîches
76,16 tuot . an dir unde ouch
76,17 an anderen . unde waz er dir

77,1 noch tuon willt . nâch diseme
77,2 lîbe . mêr hier sô salt dû vürebaz merken .
77,3 daz man dise innicheit
77,4 prüeven sal . an drîn dingen .
77,5 wande sie bringen den mennischen
77,6 drîer hande vruht . daz eine
77,7 ist . sie gibet dem mennischen .
77,8 unde machet innicheit zuo deme
77,9 dieneste . unde gît maht
77,10 unde kraft . zuo der arbeite .
77,11 unde troestet ouch den mennischen .

77,12 in dem widermuote . unde untrôste .
77,13 unde diz . ist ime wole
77,14 trôst . dâr umbe . wande swer
77,15 sich ôtmüetigen wile . von herzen .
77,16 unde vollekomenlîche .
77,17 der muoz versmâhet sîn . unde

78,1 daz er danne trôst vinde . an
78,2 sîner versmâhnisse . sô bedarf
78,3 er wole der innicheit die in lobe .
78,4 diz ist von der vridesamen conscientiae
78,5 her nâch sô sal volgen
78,6 die vridesame conscientie . diz ist
78,7 der vierde grât . in diseme himeltrappen .
78,8 diz ist die vridesame
78,9 conscientie . die dû unde ein iegelich
78,10 mennische haben sal . unde
78,11 sagen dir wâr umbe . wer innicheit
78,12 haben wile . der sal unde
78,13 muoz gote heimelich werden .
78,14 unde mordet . daz dâr niut
78,15 smacken en mac gotes genâde .
78,16 dû salt ouch vertriben den haz .
78,17 wande er ist ein diep . der an

79,1 den liuten genâde stilet . wider
79,2 gotes gebot . dâr umbe brichet
79,3 er den vriden . unde machet daz
79,4 urliuge diz sint die dinc . die dû
79,5 vertriben salt . die an dîneme herzen
79,6 machet den widertraht .
79,7 wente anders en maht dû niet
79,8 vriden haben . daz dritte ist . dû
79,9 salt guote gedenke haben . unde
79,10 begerunge . unde guoten willen
79,11 den salt dû vristen . unde ouch
79,12 vürderen daz meinen ich . hâs
79,13 dû decheine tugent . unde innicheit .
79,14 dâr nâch vlîz dich .
79,15 daz die genâde werde gemêret .
79,16 an dîneme herzen . daz heltet
79,17 den vriden . nû prüeve unde

80,1 merke . erkrîges dû den vriden
80,2 des herzen . dannen abe kumet
80,3 dir drîer hande genâde . unde
80,4 vruht . iz gibet dir ûzewentic
80,5 ruowen . daz ist einez . daz

80,6 ander ist . er bringet got . an
80,7 dîn herze . daz dritte ist . iz gât
80,8 dir zuo den liuten genâde . wâ
80,9 der vridesamige mennische . unde
80,10 senftmüetiger ist . der ist gote
80,11 unde den liuten liep . unde
80,12 wert . her umbe sô salt dû geistlicher
80,13 mennische . dich vlîzen dâr
80,14 ane . daz dû ein vridesame herze
80,15 gewinnest . daz ist der
80,16 vierde grât . in der himeltrappen .
80,17 der zuo deme güldînen

81,1 schranke gât . diz ist von der kuonheit
81,2 oder sicherheit oder sterke des herzen
81,3 her nâch sô volget der vünfte
81,4 grât . daz ist die kuonheit .
81,5 unde die manheit . daz dû küene
81,6 unde manlich wesen salt .
81,7 wider dînen vîant . unde wider
81,8 sîne bekorunge . unde dâr
81,9 zuo manet dich . daz eine ist . dû
81,10 salt prüeven . daz der vîant starc
81,11 ist . daz ist der tiuvel . der dir
81,12 niet mêr geschaden mac wan
81,13 alsô vile . alse dû ime volgen
81,14 wil . dâr umbe sô salt dû küene
81,15 wesen . daz ander ist . dû salt
81,16 prüeven die helfe unsers hêrren
81,17 Jêsu Christî . daz er willic

82,1 unde ouch gehelfen wole mac .
82,2 wande ime nieman gestrîten
82,3 mac . wande er über alle dinc
82,4 ist . dâr umbe sô salt dû küene
82,5 sîn . daz dritte ist dû salt prüeven .
82,6 die kraft . die got hât
82,7 an die sêlen geleget . daz die
82,8 engele . in deme himele . noch
82,9 der tiuvel . in der hellen . noch
82,10 die liute an dem ertrîche . niemer
82,11 die sêlen mügen gevelen .
82,12 in die sünde . dû en wolles
82,13 danne selbe mite volgen . unde
82,14 daz herze neigen . zuo den
82,15 sünden . dâr umbe sô salt dû küene
82,16 wesen . mêr hier salt dû ouch
82,17 prüeven . daz dir dise kuonheit

83,1 bewîset wirdet an drîn dîngen .
83,2 daz eine ist . dû solt grôzes
83,3 dînges gote getrûwen . daz
83,4 ander ist . obe dû grôz dinc
83,5 maht lîden . durch got . daz
83,6 dritte . obe dû grôz dinc maht vermîden .
83,7 durch got . her ane
83,8 maht dû . unde salt – prûeven
83,9 die kuonheit dînes herzen .
83,10 unde diz ist der vûnfte grât .
83,11 in der himeltrappen . hier sol
83,12 volgen daz sehste . daz ist die
83,13 stæticheit . daz dû stæte sîst . an
83,14 dîneme lobe . unde an dîneme lebene
83,15 unde an dîneme dieneste .
83,16 daz dû es iemer vlîzic sîst . unde
83,17 allewege vlîzic . wie dû gote

84,1 behagest . unde sîne heimelîchkeit
84,2 erkrîgest . unde sagen
84,3 dir wâr umbe . daz ein ist .
84,4 daz der mennische . schiere verslæfet
84,5 in der arbeite . ob er einen
84,6 stæten muot niet en hât . daz
84,7 ander ist . er wirdet schiere verwunden .
84,8 von der bekorungen .
84,9 ob er darbet der stæticheit .
84,10 daz dritte ist daz got niemanne
84,11 en lônet . er sî stætic .
84,12 an deme dieneste . unde dâr umbe
84,13 salt dû stætic sîn . unde diz
84,14 ist der sehste grât . zuo dem güldîn
84,15 schranke . nû prûeve unde
84,16 merke geistlich mennische . daz
84,17 ist der himeltrappe . den dû

85,1 haben salt . an dîneme herzen .
85,2 wande aber dirre tugende
85,3 kraft . an dir niet ist . dâr umbe
85,4 salt dû mit mir biten . unde
85,5 sprechen ane . von dem alle
85,6 kraft kumen ist unde kumen
85,7 sal . unde biten in . daz
85,8 er dînen kumber verstê . unde
85,9 dîne unvollenkumenheit .
85,10 ûf rihte mit sîner güete . unde
85,11 sprich alsus . hêrre dû dâ

- 85,12 himel unde erde hâst geschaffen .
85,13 unde alle dinc . die dâ inne
85,14 begriffen sint . dû sagest
85,15 daz ich biten dich . dû wollest
85,16 zwîdigen mich . nû hoere mich
85,17 ich biten es dich . dû bist der êwige
- 86,1 got . dû bist die unbegriffenliche
86,2 wîsheit . dû bist die wære
86,3 minne . dû bist rîche unde
86,4 milte . dû bist guot unde sûeze .
86,5 dû bist reht . unde bist barmherzic .
86,6 dû bist getriuwe vriunt .
86,7 unde ein ôtmüetic herze . ein
86,8 minnente vater . unde ein
86,9 wâr nôthelfære . nû hilf hêrre
86,10 durch alle dîne güete mir .
86,11 daz ich an dir . unde mit dir .
86,12 müge verwinden . mîne nôt .
86,13 gip mir hêrre daz ich kunne .
86,14 unde müge . dise werlt unde
86,15 ire vrôuwede . unde iren trôst . versmâhen .
86,16 gip ouch hêrre mir
86,17 von dîner wîsheit . daz ich
- 87,1 entkenne dich unde mich .
87,2 waz dîn wille sî . anderes sô
87,3 en mac ich von jâmere werden
87,4 vrî . gip ouch hêrre mir
87,5 von dîner – güete . daz
87,6 ich von allen mînen sinnen .
87,7 dich hêrre müeze minnen .
87,8 wande mir en wirdet niemer
87,9 rehte vrôuwede kunt . ich en werde
87,10 von rechter minnen wunt .
87,11 eiâ êwiger minnære . mache
87,12 mînes herzen sinne . nâch dir
87,13 unruowic . unde daz sî mîn
87,14 ruowe . ô wê sûeze hêrre . gip
87,15 mîneme herzen . unde der sêle
87,16 mîn . rehte minne durch die
87,17 güete dîn . daz dû sîst der
- 88,1 holde hêrre mîn . unde ich die
88,2 arme tohter dîn . daz ich
88,3 dir behage . unde an dînen
88,4 hulden hinnen vare . in dîneme
88,5 namen . âmên . diz ist von dem

88,6 esterîche der êwigen minne . die gît
 88,7 vröuwede unde hôchgemuot
 88,8 mit gotes helfen . sô hân
 88,9 ich gesprochen . von deme holze .
 88,10 daz dâ hoeret zuo diseme geistlichen
 88,11 hûse . unde ouch von
 88,12 den silberîn siulen . unde von
 88,13 deme güldînen schranke . unde
 88,14 ouch von dem trappen . die
 88,15 dâr zuo gênt . nû sal ich sprechen
 88,16 von dem esterîche . der
 88,17 minnen . wande aber die

89,1 minne aller tugende krône
 89,2 treit . unde an sich alle vollekomenheit
 89,3 hât . dâr umbe
 89,4 sô bejihen ich daz diz . über
 89,5 mîne maht unde kraft ist .
 89,6 wande ich aber diz durch die
 89,7 gotes minne tuon . dâr umbe
 89,8 sô sal mir got dâr zuo . –[...] ich hân
 89,9 es begunnen . durch sîne minne .
 89,10 – daz ich ouch iz
 89,11 vollenbringe . dâr zuo sal er
 89,12 erliuhten mîne sinne . wande
 89,13 ich vlîzic bin . daz ich ez gerne
 89,14 lêren unde sagen . alsô verre
 89,15 alse ich iz von gote hân .
 89,16 nû prüeve unde merke geistlicher
 89,17 mennische . unde gotes

90,1 brût . von dem esterîche der
 90,2 minnen . daz vier ordene .
 90,3 ahse Salomonis tĒmpel hatte .
 90,4 unde ein iegelich orden . drîer
 90,5 hande steine . unde wiegetâne
 90,6 wîs . daz wile ich iuch sagen .
 90,7 alse iz von gote haben .
 90,8 nû sich danne . daz der eine
 90,9 orden ist . die prüevunge dînes
 90,10 minnæres . unde dînes briutegoumes .
 90,11 unde dâr ane vindes
 90,12 dû drîer hande dinc . die dîn
 90,13 herze sulen . unde mügen von
 90,14 rehte entvengen . zuo sîner minnen
 90,15 unde liebe . daz eine ist
 90,16 die vollenkomenheit . unde
 90,17 die volle aller güete . unde tugende

- 91,1 daz maht dû dâr ane
91,2 prûeven . daz von der übervlûzzicheit
91,3 sîner güete . alle süntære
91,4 gereiniget sint . unde ouch
91,5 alle liute . unde engele . an deme
91,6 himelrîche . genâden gerîchet
91,7 sint . ze wære dû maht wole
91,8 prûeven . wie vol er genâden .
91,9 unde güete ist . der alle heiligen .
91,10 genâden rîche gemachet hât .
91,11 unde dâr umbe niut desten minner
91,12 hât . unde ouch wie vollekomen
91,13 der sî . von des übervlûzzigen
91,14 guote . –[...] unde alle dinc
91,15 geschaffen sîn . unde ouch wie
91,16 vollekomen der muoz wesen .
91,17 unde reine sîn . der alle
- 92,1 dinc muoz reinigen . unde sal .
92,2 nû prûeve alsus . sô ist der dinge
92,3 ein . daz dû merken salt .
92,4 an dîneme minnære . die vollekomenheit .
92,5 aller dinge . daz
92,6 ander ist . dû prûeve dirre gâben
92,7 milticheit . daz got wole milticliche
92,8 teilet mit den sînen . daz
92,9 mac man dâr ane merken . unde
92,10 prûeven . daz er sîner vriunde
92,11 herze twinget unde entvenget .
92,12 unde manet . daz sie in biten
92,13 unde ouch dâr ane . daz
92,14 er ire herze reinige dâr zuo .
92,15 daz er in gibet . – über
92,16 daz des sie in bitent . daz eine .
92,17 unde daz êrste sprichet
- 93,1 sancte Augustinus . alsus . “priusquam
93,2 invocarem prevenisti .” et cetera .
93,3 daz quît . êr . ich dich bæte . sô quæme
93,4 dû zuo mir unde manete
93,5 mich . daz ich bæte dich . unde
93,6 dich ane riefte . von deme anderen
93,7 sprichet ouch sancte Augustîn .
93,8 unde quît . “devisti multa mala
93,9 merita mea .” et cetera . sequitur
93,10 “prevenisti multa bona merita
93,11 mea .” et cetera . daz sprichet . hêrre

- 93,12 dû hâst an mir vertîliget .
 93,13 manige ungenâde . unde hâst
 93,14 mich gerîchet mit dîner verdâhtigen
 93,15 genâden . daz dritte
 93,16 mügen wir merken . unde
 93,17 prûeven . an Salomone der wîsheit
- 94,1 bat . dem got wîsheit . unde
 94,2 rîchtuom . unde hêrschaf . über alle
 94,3 sîn vîande gap . nû sich alsus sô
 94,4 salt dû prûeven unde merken . daz
 94,5 got multiclîche gibet . von der
 94,6 siule die er an ime hât . unde sal
 94,7 dîn herze entvengen . zuo sîner
 94,8 minnen . daz dritte ist . daz dû
 94,9 ouch an diseme êrsten ordene prûeven
 94,10 solt . daz sîn gift grôz ist .
 94,11 daz mac man merken dâr ane .
 94,12 wande er dem riuwigen mennischen .
 94,13 ganzlîche sîne sünde vergibet .
 94,14 unde ouch sînen dienstliuten .
 94,15 wærlîche daz himelrîche
 94,16 erloubet . unde ouch sînen
 94,17 minnæren . unde vröuweden minniclîche
- 95,1 unde triuwelîche bî
 95,2 wonet . daz eine sprichet er
 95,3 durch den prophêten . Ezechielem .
 95,4 “in quacumque hora peccator .
 95,5 ingemuerit” et cetera . daz quît
 95,6 wanne deme süntære . die sünde
 95,7 leit sint . unde sie in riuwent .
 95,8 sô wile ich sie ime vergên .
 95,9 daz ander sprichet unser hêrre
 95,10 an Lucâ . “ecce dispono sicut
 95,11 disposuit pater meus” et cetera .
 95,12 daz quît ich giben iuch mîn
 95,13 rîche . zuo rehtem erbe . als ez
 95,14 mir mîn vater hât gegeben .
 95,15 daz er dâ sprichet in Johanne .
 95,16 “vobiscum sum omnibus diebus vite
 95,17 mee” et cetera . daz quît ich .
- 96,1 wile mit iuch wonen . alle
 96,2 wege lebentige lîp . die wîle daz
 96,3 die werlt steit . jâ minnes
 96,4 dû in . oder sô vindes dû unde
 96,5 hâst in in dem herzen . mit

- 96,6 der innicheit . unde wârheit .
 96,7 in den werken der rehticheit .
 96,8 nû prûeve minne alsus vindes
 96,9 dû driu dinc in dem êrsten
 96,10 ordene der minnen . dannen abe
 96,11 dîn herze sal . unde mac entvenget
 96,12 werden . obe dû prûeven
 96,13 unde merken wilt . unde
 96,14 kanst daz er rîche ist aller
 96,15 dinge . unde daz er milte ist
 96,16 an der gâben . unde daz ez
 96,17 grôz unde michel ist . swaz
- 97,1 er gibet . von dem anderen ordene der minnen
 97,2 her nâch sô sulen wir merken .
 97,3 nâch dem minnære unde
 97,4 prûeven sîne minne . dâr nâch
 97,5 sô vindes dû aber driu dinc .
 97,6 daz eine ist . daz dû nie von
 97,7 dinge en würdes suozer geminnet .
 97,8 alse von gote . daz maht
 97,9 dû unde salt dâr ane prûeven .
 97,10 daz er alle krêatiuren hât dir
 97,11 gegeben . zuo helfen dîner kranchheit .
 97,12 unde ouch sîn engele . zuo
 97,13 dieneste dîner mennischheit . unde
 97,14 sînen lieben sun zuo trôste dîner
 97,15 jâmerkeit . nû prûeve her an .
 97,16 sô salt dû prûeven rehte vriuntschaft .
 97,17 unde minne . daz er niut vore
- 98,1 dir en sparet . er ne habe dir ez
 98,2 zuo guote gekêret . her nâch sô
 98,3 salt dû prûeven . an deme anderen
 98,4 ordene . daz dir nieman . noch
 98,5 sô vile bewîsen en mac . noch
 98,6 en sal nâch diseme lîbe . wande
 98,7 er ist der eine . der dich von
 98,8 alleme jâmere loesen sal . unde
 98,9 der dich aller genâden rîche machen
 98,10 sol . unde der dich êwiclîche
 98,11 behalten sal . nû merke daz
 98,12 an deme andern ordene . der minnen
 98,13 die dir got bewîset hât .
 98,14 unde ouch noch hiute des tages .
 98,15 bewîset . unde noch bewîsen
 98,16 sal . von deme dritten ordene der minnen
 98,17 her nâch sô salt dû

- 99,1 merken . unde prûeven . den dritten
99,2 orden der minnen . der ist
99,3 dâr ane blanc . daz dû nâch dem
99,4 minnære . unde nâch sîner minnen
99,5 merken salt . die behenticheit .
99,6 unde die wîsheit . zuo minnenne .
99,7 daz maht dû vinden ouch
99,8 unde prûeven . an drîn dingen .
99,9 daz eine ist daz dû in vindest . unde
99,10 vinden maht . unde haben
99,11 zuo allen stunten . daz ander
99,12 daz ist daz . daz . dû in haben
99,13 maht . nâch dînes herzen
99,14 willen . nû sage mir en dunket
99,15 dich diz niet ein wîsheit .
99,16 unde ein sicherheit . unde ein
99,17 gereite dinc . daz dû dînen
- 100,1 vriunt haben maht . swâ dû
100,2 wilt . unde wanne dû wilt .
100,3 unde wâ dû wilt . mit gedenken .
100,4 sô boteschaffes dû in .
100,5 mit der innicheit . sô entveis dû
100,6 in . mit der minnen . sô beheltes
100,7 dû in . unde wer mac dir
100,8 verbieten . dû en müges wole
100,9 gedenken . geren unde minnen .
100,10 an allen steten . unde stunten .
100,11 nû prûeve diz ist danne
100,12 der dritte orden . die guote state
100,13 zuo minnenne . dînen minnære .
100,14 von dem vierden ordene der minne dâr nâch sô volget der
100,15 vierde orden . daz ist die sælicheit
100,16 die der minnen volget .
100,17 dâr ane sô maht dû vinden
- 101,1 driu dinc . daz eine ist . daz
101,2 sie den geist des mennischen ervrôuwent .
101,3 wâr umbe . wærlîche
101,4 wande sie got mit ime
101,5 hât . unde doch hoffênunge
101,6 des himelrîches trâgent . wande
101,7 sie alle arbeit . unde pîne
101,8 disses lîbes senfte dunket .
101,9 daz ander ist dû salt prûeven .
101,10 daz dise minne . machet daz
101,11 herze genâden rîche . wande

- 101,12 sie gît den abelâz der sünden .
101,13 unde gît den vollen der
101,14 tugende . unde machet die sêle
101,15 starc . unde diuhte iz . wunder .
101,16 wande sie machet von armuote
101,17 rîchtuom . von pînen
- 102,1 vröuwede . von arbeite gemach .
102,2 von swachheiten êre . von dem
102,3 tôde den lîp . wer gesach . ie
102,4 grôzer wunder . unde sæliclicher
102,5 dinc . nû sich geistlîcher
102,6 mennische . diz ist der esterich .
102,7 des hûses . dannen abe ich gesprochen
102,8 hân . daz vier ordene an
102,9 ime hât . unde zwelif hande
102,10 steine . diz ist die êwige minne
102,11 die sich vier hande wîs bewîset
102,12 unde an zwelif stücke
102,13 teilet . die dîn herze mûgen
102,14 entvengen . unde lêren die rehte
102,15 minne . obe dû kanst ûfe
102,16 daz ende kêren dîne sinne . prüeve
102,17 den minnære . der an ime
- 103,1 treget . aller dinge wünne . sîne
103,2 minne ist âne mâze . âne underlâz .
103,3 âne anebegin . unde âne
103,4 ende . prüeve ouch wie gereite .
103,5 wie wünniclich . wie senfte .
103,6 wie sicher . wie süeze . iz ist . in
103,7 zuo minnenne . prüeve wie grôz .
103,8 wie manicvaltich . unde wie
103,9 êwic . unde wie sælige vruht
103,10 sie bringet . sich ich hân dir mit
103,11 Worten . vile dinges beslozen .
103,12 mæc kanst dû ez geprüeven . sô
103,13 muost dû in minnen . von dem dise
103,14 dinc alle sint gevlozen . daz
103,15 ist unser hêrre Jêsus Christus . der
103,16 starke . der wîse der guote . der
103,17 schoene . der edele . der hôhe . der
- 104,1 werde . der rîche . der milte . der
104,2 süeze . der hōvische . der ôtmüetige .
104,3 der barmherzige . der rehte . der
104,4 getriuwe . der nôthelfære . der wære
104,5 minnære . der vollekomen

104,6 got . disen minne . wande dû
104,7 in minnen solt . unde minnen
104,8 maht . wande dir sîne minne
104,9 bringet grôze hêrschaf . disen salt dû
104,10 minnen . von aller dîner sêlen .
104,11 unde von alleme dîneme herzen .
104,12 unde von aller dîner kraft .
104,13 daz ist wîslîche . unde sîeziclîche .
104,14 unde krefticlîche . alsô daz dû
104,15 niet schiere verzagest . unde ouch
104,16 triuwelîche . daz dû niet vore ime
104,17 versparest . minne tuost dû geloubest

105,1 dû mir sô sal er dir wonen
105,2 bî . unde nâch diseme
105,3 lîbe . salt dû bî ime verlîben . der
105,4 helfe mir unde dir . der vater .
105,5 unde der sun . unde der heilige
105,6 geist . âmên . diz ist von der messe
105,7 diz ist ein
105,8 bezeichnenunge der heiligen
105,9 messen . diz êrste sint
105,10 die glocken . die sint bezeichnenet
105,11 in der alten . ê . bî den busûnen
105,12 die man blies . sô sich daz
105,13 volc . samenen solte . sô man eine
105,14 busûnen blies . oder zwô . sô bereitte
105,15 sich daz volc . ûfe den
105,16 wec . sô man danne alle die
105,17 busûnen blies . mit einander

106,1 in daz templum . alsô sulen wir
106,2 kristenliute mit einander tuon . sô
106,3 man eine glocken liutet . sô sulen
106,4 wir uns bereiten . zuo der
106,5 kirechen . sô man die anderen
106,6 liutet . sô solen wir balde gâhen .
106,7 ûfe den wec . sô man aber die
106,8 glocken mit einander liutet .
106,9 sô sollen wir alle mit einander
106,10 in der kirechen sîn . sô wir
106,11 aber dâr in komen . sô solen wir
106,12 ûze vore der türe lâzen . belîben .
106,13 allez unser gescheffede . unde
106,14 alle unser sünde . wir en solen
106,15 niet anders tuon . wan beten
106,16 unde biten . unde loben unseren
106,17 hêrren . mit inniclîcheme

107,1 herzen . unde ime dienen mit
107,2 zühnten . unde ime vlêhen mit
107,3 riuwîgeme herzen . umbe unser
107,4 sünde . wir en solen mit niemanne
107,5 reden . iz en sî danne .
107,6 êhafte nôt . daz sulen wir mit
107,7 kurzen Worten tuon . unde aber
107,8 biten . unde biten . wande der
107,9 kôr . unde die kireche ist vol
107,10 des heiligen geistes . unde engele .
107,11 unde heiligen . unde solen
107,12 genâden biten unseren hêren
107,13 von himelrîche . unde mîne vrouwen
107,14 sancte Marîen . unde die
107,15 lieben heiligen unde die lieben
107,16 engele . die dâ engegenwürtic
107,17 sint . daz sie sich über uns .

108,1 erbarmen . unde uns genædic
108,2 sîn . ez en sal nieman in deme
108,3 kôre sîn . die wîl daz man
108,4 messe singet . wene die . die
108,5 gotes dienest tuont . wan sie ist
108,6 noch voller . des heiligen geistes .
108,7 danne daz mere wazzeres .
108,8 unde die sunne liehtes . unde
108,9 daz ertrîche stoubes . unde also
108,10 kûme man mohte gezelen .
108,11 eine grôze mâze melwes .
108,12 noch kûmer mohte man
108,13 gezelen die sælicheit . unde die
108,14 manicvalte genâde . die deme
108,15 mennischen widervert . in der
108,16 heiligen messen . der mit rehteme
108,17 gelouben . unde mit rehter

109,1 andâht dâ steit . unde der mennische
109,2 entwæhet zehen sunderlîche genâde .
109,3 die eine ist . daz ime got alle
109,4 sîne sünde vergît . die andere
109,5 daz er den heiligen geist entwæhet .
109,6 daz dritte daz got des mennischen
109,7 gebet gerne hoeret . daz vünfte
109,8 daz der mennische . sicher wirdet
109,9 an sîneme ende . daz sehste daz sîn
109,10 vegeviur . deste minnere wirdet . daz
109,11 sibende . daz die engele gerne bî

109,12 ime sint . daz ahtode daz er an tugenden
109,13 wehset . daz niunde daz
109,14 der mennische gestätiget wirdet . an
109,15 rehteme lebene . unde gereiniget
109,16 wirdet . an sêlen unde an lîbe . daz
109,17 zehende daz sich unser hêrre .

110,1 gegen den mennischen vrôuwet . dô
110,2 der priester sich gerwet . gegen der
110,3 heiligen messen . sô decket er sîn
110,4 houbet . mit eineme lînîn tuoche . daz
110,5 mit arbeite dâr zuo brâht ist .
110,6 unde heizet ein umbrâl . daz bezeichnenet .
110,7 daz unser hêrre sîne
110,8 heilige goteheit . dakte mit der
110,9 heiligen mennischheit . sô tuot er danne
110,10 die alben ane . die ist wît
110,11 unde lanc . unde wîz unde bezeichnenet .
110,12 daz unsers hêrren
110,13 leben reine was unde arbeitsam .
110,14 ûfe dem ertrîche . der gürtel
110,15 mit den zwein orten vorne unde nider .
110,16 daz bezeichnenet daz unser
110,17 hêrre kiusche was . von ime selbem

111,1 unde von sîner muoter . der
111,2 hantvane an der linken hant .
111,3 bezeichnenet die diemüeticheit . unsers
111,4 hêrren . sô leget er danne
111,5 die stôlen umbe . die ist lanc
111,6 unde hât ein kriuze . sô man sie
111,7 under den gürtel stoezet . unde
111,8 bezeichnenet die gehôrsamicheit .
111,9 unsers hêrren . die er zuo sîneme
111,10 vater hatte . unde die lange
111,11 marteile . unde die lange arbeit .
111,12 die er leit . von dem mâle daz
111,13 er geboren wart . biz er an
111,14 deme kriuze starp . sô tuot er danne
111,15 eine kasugelen ane . die ist
111,16 alumbe ganz . unde ist geschaffen
111,17 alse ein – glocke . unde sô sie

112,1 der priester ûf die arme geleet .
112,2 sô ist sie geschaffen als ein schilt .
112,3 einer hindene . der ander vorne .
112,4 unde bezeichnenet die grôze minne .
112,5 die unser hêrre hatte zuo dem

112,6 mennischen . der vorder schilt . daz er
112,7 vaht an dem heiligen kriuze . vüre
112,8 sîne vriunde . der hinder schilt . daz
112,9 er vaht vüre sînen vîande .
112,10 sô hebet man danne die heiligen
112,11 messen ane . unde singent
112,12 die koere daz introitus . daz bezeichnenet .
112,13 daz die alten vetere riefen .
112,14 Jeremias . unde Isaïas . “hêrre .
112,15 hêrre . kum her von himelrîche .”
112,16 sô gêt der priester danne her
112,17 vüre . sô singet man danne . kyrie eleison .

113,1 daz sprichet . hêrre erbarme
113,2 dich über über uns . daz singet
113,3 man danne niun stunte . daz bezeichnenet
113,4 die niun koere in himelrîche .
113,5 unde solen wir danne
113,6 biten unsern hêrren . daz
113,7 wir komen in die geselleschaf .
113,8 der niun koere in himelrîche .
113,9 sô stêt der priester enmitten
113,10 engegen dem altære . daz bezeichnenet
113,11 daz unser hêrre . durch
113,12 allez mennischlich künne . geboren
113,13 wolte werden . sô singet
113,14 danne der priester . “gloria in excelsis
113,15 deô .” daz bezeichnenet daz ein
113,16 engel . den hirten kunte . daz
113,17 got geboren was . sô singet

114,1 danne alle die pfaffen .
114,2 unde alle die schuolære mit einander .
114,3 “et in terra pax hominibus .” daz bezeichnenet .
114,4 die schar der engele .
114,5 die dâ quâmen . unde alle
114,6 mit einander sunen . “gloria in
114,7 excelsis deô .” unde daz allez ûz .
114,8 diu zwei licht . die ûfe dem
114,9 altære sint . die bezeichnenent . die
114,10 zwêne sterne . die dâ liuhten
114,11 dô got geboren wart . der êrste
114,12 liuhte über die krippen . der
114,13 ander den drîn künigen . die
114,14 unserme hêrren ire opfer brâhten .
114,15 sô kêret sich danne der
114,16 priester umbe . unde sprichet daz
114,17 got mit uns sî . sô wünschen wir

- 115,1 ime danne . daz er mit ime
115,2 sî . sô liset er danne die collecten .
115,3 daz bezeichnenet . daz unser
115,4 hêrre . vûre uns betete . unde sîner
115,5 heiligen trûtmuoter diente .
115,6 sô liset man danne die epistolen .
115,7 diu saget eteswenne . von
115,8 der alten . ê . eteswenne von
115,9 der niuwen . ê . daz bezeichnenet .
115,10 daz sancte Johannes was geboren .
115,11 unde ouch was in der alten . ê .
115,12 unde toufte in dem wazzere .
115,13 nâch der niuwen . ê . unde unseren
115,14 hêrren Jêsum . Christum . predigete .
115,15 der dâ brâhte die niuwen
115,16 ê . unde predigete . sÊrmônete .
115,17 alsô herzicliche suezicliche
- 116,1 von ime . daz die juden sprâchen .
116,2 “bist dû selbe Christus . von deme
116,3 dû uns sagest . unde prediges .”
116,4 “nein” sprach er “ich en bin ez niet .
116,5 er kumet schiere . ich en bin des
116,6 niet wirdic daz ich ime sînen
116,7 schuochriemen getorste rûeren . ich
116,8 bin ein stimme daz ist alse vile .
116,9 gesprochen . als ob er spræche .
116,10 alse ein kleinez stimmelîn .
116,11 wider al der werlte . noch
116,12 kleiner bin ich . wider deme
116,13 der dâ kumen sal .” sô singet
116,14 man danne daz grâdal daz bezeichnenet
116,15 daz . daz volc durch sancte
116,16 Johannis . bredigen sich bekêrte . unde
116,17 durch sîne wort . geloubeten
- 117,1 an Christum . unde vrôuweten sich .
117,2 sô singet man danne alleluja .
117,3 daz bezeichnenet . dô unser hêrre
117,4 predigente wart . daz sie ime
117,5 dâ nâch volgeten . unde dô tûsent
117,6 warbe vrôer wurden .
117,7 unde lobeten unsern hêrren .
117,8 unde sancte Johannes sprach “er ist
117,9 ieze under iuch . unde ir kennet
117,10 sîn niet .” er zôugete mit sînem
117,11 vingere ûfe in . unde sprach “diz

117,12 ist daz lamp . daz aller der werlte
117,13 sünde treit ." mit deme vingere
117,14 dâ mit er unseren hêrren zougte .
117,15 den mohten die vîande niet
117,16 vertiligen . noch verbrennen .
117,17 sô liset man danne daz evangelium .

118,1 sô seinet man sich . durch
118,2 daz grôze wunder daz got
118,3 alse vile zeichene tete . unde alsô
118,4 vile heilicheite redete . unde
118,5 begienc . unde bezeichnenet daz
118,6 evangelium . daz unser hêrre
118,7 mit sîneme süezen munde predigete .
118,8 danne sol man stên
118,9 mit grôzen zûhten . unde mit
118,10 grôzen vlîze . unde die stebe .
118,11 ûzer den henden legen . unde
118,12 die mendel abe ziehen . unde
118,13 die hüete von dem houbete
118,14 nemen . die stebe bezeichnenent
118,15 den vriden . den der mennische
118,16 sal haben in dem herzen .
118,17 die mendele bezeichnenent .

119,1 waz der mennische übervlûzziges
119,2 vore der werlte habe . iz sî
119,3 von guote . oder von decheinen
119,4 dingen . daz sal er von ime
119,5 tuon . die hüete bezeichnenent .
119,6 die überige begerunge . die
119,7 der mennische lâzen sal . unser
119,8 hêrre predigete alsô süezicliche .
119,9 unde alsô herzicliche süezicliche .
119,10 daz nie mennische alse süeze
119,11 wort nie gesprach . oder nieman
119,12 mêr mac gesprechen . unde
119,13 volgete im alse vile liute nâch .
119,14 zuo sîner bredige daz unmâze
119,15 was . dar quâmen die rîchen
119,16 unde die armen . unde alle die
119,17 liute . die von den grôzen steten .

120,1 unde von dem lande allenthalben .
120,2 alsô gerne hörten sie sîne
120,3 süezicliche wort . dô weich
120,4 unser hêrre . ûf daz mer . unde
120,5 ûfe die inselen . unde predigete

- 120,6 dâ allen deme volke . – dâr
 120,7 nâch singet man . credo in unum .
 120,8 daz bezeichnenet . daz die liute geloubic
 120,9 wurden . von unsers hêren
 120,10 bredigen . dâr nâch singet
 120,11 man daz offertorium . daz bezeichnenet .
 120,12 daz unser hêre die siechen
 120,13 gesunt machete . die blinden
 120,14 gesehente . die lamen gênte . die
 120,15 stummen sprechente . die touben
 120,16 hoerente . die miselsühtigen reine
 120,17 unde alsô manic grôz zeichen .
- 121,1 daz ime alsô vile unmæzlîchen
 121,2 volkes nâch volgete . dô man
 121,3 bereitet den kelich ûfe den altære .
 121,4 dâr nâch opferent die liute . daz
 121,5 bezeichnenet . daz diz volc opferte
 121,6 sînen ungelouben . unserme hêren .
 121,7 unde geloubic was worden . dâr
 121,8 nâch –[...] in der stillen . daz bezeichnenet .
 121,9 daz die übelen juden . zuo râte
 121,10 giengen . unde sprâchen “waz
 121,11 solen wir tuon . er hât ieze al die werlt
 121,12 an ime .” dô sprach einer der
 121,13 hiez Kaiphas . “man sal in toeten .
 121,14 ez ist bezzer daz einer sterbe .
 121,15 danne alle die werlt verderbe .”
 121,16 dô gienc unser hêre . in die wüestene
 121,17 unde entweich in eine wîle .
- 122,1 unde dâr nâch singet der priester
 122,2 einen sanc . der bezeichnenet
 122,3 daz unser hêre quam . von der wüestene
 122,4 her zuo uns . dô gienc Maria
 122,5 Magdalena . unde Martha .
 122,6 unde klaiten . ime . daz ire bruoder
 122,7 Lazarus tôt was . unde unser
 122,8 hêre sprach . “vüeret mich dare .”
 122,9 wie wole er doch wiste wâ er
 122,10 lac . dô hiez unser hêre daz
 122,11 grap ûf brechen . unde hiez den
 122,12 stein abe nemen . unde sprach “Lazarus
 122,13 stant ûf .” –[...] mit gebunden handen .
 122,14 unde mit gebunden vüezen .
 122,15 unde unser hêre hiez in entbinden .
 122,16 unde az . unde tranc . dô mit Lazarô .
 122,17 des selben tages . daz geschach

- 123,1 an dem vrîtage . vore dem palmetage .
123,2 dô quam allez daz volc .
123,3 von Jerusalem . unde volgeten ime .
123,4 vile unmæzlîche vile liute . sô singet
123,5 man danne –[...] der sanc al ûz
123,6 ist . daz bezeichnenet . daz unser
123,7 hêrre quam . zuo Jerusalem geriten .
123,8 unde wart dâ alse wole entvangen .
123,9 unde alsô hêrlîche . daz ime
123,10 nie sô grôz êre erboten wart .
123,11 ûfe dem ertrîche . dâr nâch
123,12 vâhet man die stille ane . unde
123,13 neiget sich der priester . vore den
123,14 altær . daz bezeichnenet . daz unser
123,15 hêrre sîn gebet tete . vore sîner heiligen
123,16 martelen . dô er switzete
123,17 blutigen sweiz . daz êrste gebet
- 124,1 was . “vater mir tuot marteles
124,2 vile wê . unde wile ich sie doch vile
124,3 gerne lîden . vûre den mennischen .”
124,4 daz ander daz er bat . vûre sîne
124,5 jungeren . daz dritte daz er bat
124,6 vûre allez mennischlich künne .
124,7 dâr nâch swaz der priester
124,8 nider neiget . sich hine . er neiget
124,9 sich her . er kriuze hine er kriuze
124,10 her . über dem keliche . ein kriuze .
124,11 vore dem keliche ein kriuze . langez
124,12 kriuze . lange martel . kriuze .
124,13 kriuze . martel martel . allez
124,14 daz der priester tuot . biz er dâr ane
124,15 kumet . daz er unseren hêrren
124,16 hebet . daz bezeichnenet allez
124,17 die martel . die unser hêrre dô
- 125,1 leit . von dem donerstage . biz
125,2 an den vrîtac . zuo mitteme tage .
125,3 sô danne der priester unseren
125,4 hêrren ûf hebet . daz bezeichnenet .
125,5 daz unser hêrre ûf gehalten wart .
125,6 unte getragen wart . an daz vrône
125,7 kriuze . unde alse obe der priester spreche .
125,8 “alse ir in nû sehet . in mînen
125,9 handen . alsô geistlîche wart er
125,10 gemartelet . vore al den
125,11 liuten .” daz ander

125,12 alse ob er spreche . "alse ich in iuch
125,13 noch hiute ougen . alse ouget er
125,14 alle tage sînen vater . sîne heiligen
125,15 vûnf wunden . unz an den jungesten
125,16 tac . unde ist ouch . vûre uns
125,17 bitente ." drîer dinge bitet unser

126,1 hêrre unde manet in . sô der
126,2 priester unser hêrren ûf hebet . daz
126,3 êrste daz er ez tuo durch sîner martel
126,4 êre . die er leit an dem heiligen
126,5 vrônekriuze . unde sich uns
126,6 selbe gebe . daz ander daz wir
126,7 sîn heiligez bluot . unde sînen heiligen
126,8 lîchamen entvâhen . an unserme
126,9 ende . mit rehteme gelouben .
126,10 unde mit rehter
126,11 bîhten . unde mit
126,12 wâreme riuwen . daz dritte
126,13 daz er uns gebe . die êwigen
126,14 vrôuwede . unde die êwigen hêrschaft .
126,15 die er uns hât erarnet . mit sîner
126,16 heiligen martelen . an dem heiligen
126,17 vrônekriuze . dâr nâch strecket

127,1 der priester die arme . vaste von
127,2 ime . daz bezeichnenet . daz unser
127,3 hêrre gedenet wart . an dem vrônekriuze .
127,4 daz man allez sîn gebeine
127,5 mohte hân gezelet . durch
127,6 die hût . unde waz er dâr nâch
127,7 tuot . daz bezeichnenet allez die
127,8 martel . die unser hêrre leit . an
127,9 dem vrônekriuze . unde dâr nâch
127,10 bî einer wîlen . sprichet der priester
127,11 ein wort . daz die liute sîne stimme .
127,12 hoerent . daz bezeichnenet .
127,13 daz unser hêrre dem schæchære alle
127,14 sîne sünde vergap . sô sulen wir
127,15 unseren hêrren biten . mit riuwigem
127,16 herzen . daz er uns alle unser
127,17 sünde vergebe . unde aber dâr nâch

128,1 swaz der priester tuot . daz bezeichnenet
128,2 allez die martel unsers hêrren .
128,3 die er an dem heiligen kriuze
128,4 leit . unde ist allez vol des heiligen
128,5 geistes . unde bitet allez vûre

128,6 uns . unde dâr nâch sprichet
128,7 der priester . “per omnia saecula saeculorum . âmên .”
128,8 unde die wort die er danne singet .
128,9 die bezeichnenet . daz unser hêrre
128,10 lûte schrei . an dem heiligen kriuze .
128,11 dâr nâch sô singet der priester .
128,12 “pater noster .” daz bezeichnenet daz
128,13 unser hêrre lange schrei . sô er danne
128,14 sprichet . “in temptationem .” unde danne
128,15 swîget . daz bezeichnenet . daz unserme
128,16 lieben hêrren . sîn heiligez . sûezez .
128,17 reinez herze brach . unde verschiet

129,1 an dem vrônen kriuze . sô
129,2 sprechent danne die kôrhêrren .
129,3 “set libera nos a malo . âmên .”
129,4 daz bezeichnenet daz alle krêatiure
129,5 erschrei . unde erschrâken . dô
129,6 unser hêrre verschiet . an dem vrônen
129,7 kriuze . diu sunne wart vinster .
129,8 der mâne verwandelte sich . daz
129,9 gestirre verwandelte sînen
129,10 schîn . daz ertrîche erbibete . die
129,11 steine zuospielten . unde alle krêatiure
129,12 erschrei . unde die umbehenge
129,13 zerrizzen . die zuo Jerusâlêm in dem
129,14 templô hiengen . unde dâr nâch in
129,15 der stillen . sô der priester stille liset .
129,16 daz bezeichnenet . daz Longinus unsern
129,17 hêrren . tôt stach . durch sîne heiligen

130,1 sîten . in sîn sûezez herze .
130,2 unde dâ vlôz ûz wazzet unde bluot .
130,3 in der selben stille . ist bezeichent .
130,4 daz unser hêrre . abe dem heiligen
130,5 kriuze . genomen wart unde
130,6 begraben wart . in der selben
130,7 stillen . sô teilet der priester die oblâten
130,8 in driu . ein teil wirfet
130,9 er in den kelich . in daz bluot . daz
130,10 bezeichnenet . daz unser hêrre sich
130,11 dâ opferet vûre die . die noch in
130,12 dem bluote sint . daz sîn wir .
130,13 die noch lebent . diu ander
130,14 zwei teil . die leget er trucken
130,15 ûfe die patêne . daz bezeichnenet .
130,16 daz sich unser hêrre dâ
130,17 opferet vûre die . die in dem vegeviure

- 131,1 sint . daz dritte teil ouch
131,2 ûf der patênen . daz bezeichnenet .
131,3 daz sich unser hêrre . dâ opferet .
131,4 allem himelischem her . zuo lobe
131,5 unde zuo êren . unde zuo vrôuweden .
131,6 dâr nâch singet man . “agnus
131,7 deî .” drî stunte . daz bezeichnenet .
131,8 daz unser hêrre an dem dritten
131,9 tage . ûf stuont von dem tôde .
131,10 wâr got unde wâr mennische . daz
131,11 er sîne heilige trûtmuoter ervrôuwete .
131,12 unde ir zuo dem êrsten erschein .
131,13 unde sich erzougte . Marîen
131,14 Magdalênen . unde sînen jungeren
131,15 also dicke sô er wolte . sô sagete
131,16 iz ir iegelich dem anderen .
131,17 unde wurden alle vrô mit einander .
- 132,1 unde dâr nâch in der stillen .
132,2 sô niuzet der priester unser
132,3 hêrren . daz bezeichnenet . daz
132,4 unser hêrre az unde tranc . nâch
132,5 sîner heiligen ûferstantunge .
132,6 mit sînen jungeren . unde alle die
132,7 mennischen . die . in der kirechen . unde
132,8 in der kristenheite sint . mit rehtem
132,9 gelouben . unde mit rehteme
132,10 riuwen . die werdent alle gespîset
132,11 mit unserme hêrren . dâ mite
132,12 daz in der priester nimet . sô geschiet
132,13 ime geistliche reht . also einen mennischen .
132,14 der eine spîse niuzet . mit
132,15 dem munde . der munt wirdet
132,16 aleine niet gespîset . die ougen
132,17 werdent ouch gespîset . unde daz
- 133,1 houbet . unde die hende unde die vûeze .
133,2 unde der mage . unde die lebere . unde die
133,3 âderen . unde daz gebeine . unde daz
133,4 marc . unde aller der lîp . der wirdet dâ
133,5 vone gevuoret . unde wirdet grôz .
133,6 unde wehset dâ vone . der priester
133,7 en wirdet niet aleine gespîset .
133,8 mit unserme hêrren . mit ime werdent
133,9 alle kristenliute gespîset .
133,10 unde entvâhent alle unsern hêrren .
133,11 die mit rehtem gelouben . unde mit

133,12 wârem riuwen . in der kristenheite
133,13 sint . unde ist doch ein iegelich .
133,14 gelit grôzer . unde kleiner .
133,15 al dâ nâch . daz ire lîp bedarf .
133,16 daz grôze gelit . entvæhet mêr
133,17 spîsen danne daz kleine . alsô ist

134,1 iz umbe die liute . die in der kristenheite
134,2 sint . als iegelîchez engegen
134,3 unserme hêrren gestellet sich hât .
134,4 dâr nâch wirdet ime der himelischen
134,5 spîsen . hât ein mennische grôze
134,6 andâht . unde grôze minne . zuo gote .
134,7 sô entvæhet iz ouch grôze genâde .
134,8 hât er kleine andâht . unde kleine
134,9 minne . er entvæhet desten kleiner
134,10 genâde . ist der priester niet ein guot
134,11 man . sô geschiet ime als einen
134,12 manne . der eine spîse niuzet .
134,13 tuont ime die zene wê . unde sint
134,14 ime die bileren vol . sô tuot ime
134,15 daz ezzen vile wê . unde ist ime
134,16 vile herte . unde vile sûr . kumet
134,17 aber die spîse in den lîp . sie tuot

135,1 deme lîbe vile wole . unde wirdet dâ
135,2 vone gesunt . unde wehset . unde wirdet
135,3 starc . unde michel dâ vone . alsô
135,4 geschiet dem priester . ist er mit sünden
135,5 bevangen . sô tuont ime die
135,6 zene vile wê . ist er mit tâtlichen
135,7 sünden . bevangen . sô sîn ime die
135,8 bileren . vile vol . sô niuzet er unsern
135,9 hêrren . zuo vertânnisse sîner
135,10 sêlen . unde sînes lîbes . aber biz ime
135,11 sîn ambet niet verboten ist . alle
135,12 die liute . die sîne messe hoerent .
135,13 die werdent alle gespîset . unde werdent
135,14 alle grôz unde starc an ire
135,15 sêlen . unde dâr nâch singet man .
135,16 daz communio . daz bezeichnenet .
135,17 daz unser hêrre von ertrîche zuo .

136,1 himel vuor . dâr nâch sô liset
136,2 man die collecten . daz bezeichnenet .
136,3 daz unser hêrre iemer
136,4 sît bitet . sînen vater vûre die mennischheit
136,5 sît daz er zuo himel vuor .

136,6 unde ouch iemer mêr bitente ist . biz
136,7 an den jungesten tac . vüre den mennischen .
136,8 unde dâr nâch sô kêret sich
136,9 der priester umbe . unde quît . “ite
136,10 missa est .” daz bezeichnenet daz
136,11 unser hêrre . an dem jungesten . tage .
136,12 her wider kumet . unde er
136,13 allen den danket . die ime hânt
136,14 gedienet . unde sînen willen hânt getân .
136,15 dâr nâch sô gibet der priester
136,16 den segen . unde gêt daz volc enbîzen .
136,17 daz bezeichnenet . daz unser

137,1 hêrre . die sîne segenet . unde
137,2 danne sprichet . “kument here .
137,3 ir gesegeneten in mînes vateres rîche .
137,4 daz iuch von aneginne der
137,5 werlte bereitet ist . ezzet unde
137,6 trinket . mit dem vater . mit dem
137,7 sune . mit dem heiligen geiste .
137,8 die êwigen wirtschaft . âne ende .”
137,9 des müeze uns gunnen der vater .
137,10 unde der sun . unde der heiligegeist . âmên .
137,11 nû ist einer slahte liute den
137,12 wirdet der messen vile lützel . oder
137,13 betalle niutesniet . den der messen
137,14 ein wênic wirdet . daz sint
137,15 die liute . die in der kirechen belîbent .
137,16 biz man daz evangelium geliset .
137,17 sô sint danne einer slahte

138,1 liute . den der messen nihtesniet en
138,2 wirdet . die einen daz sint die . in der
138,3 kirechen rûnent . unde redent unde ungezogen
138,4 sint . die anderen daz sint
138,5 die . in der kirechen stênt . unde zuo banne
138,6 sint . unde in gotes dienest verboten
138,7 ist . die dritten daz sint die .
138,8 die dâ versmâhent die heiligen
138,9 messe . daz sie nôte dar kument
138,10 oder niet dâr in kument . sô sie ez wole
138,11 mohten getuon . unde sich ein kleinez
138,12 dinc lâzent irren . die vierden .
138,13 daz sint die . unsers hêrren
138,14 lîchamen versmâhent . unde dâr ûf
138,15 niet en ahtent . pater noster . qui
138,16 es in caelum . et cetera . mîne vile lieben .
138,17 ir solent tagelîche biten . vruowe unde

139,1 spâte . unde alle zît sô ir müget . iuwer
139,2 gebet tuon zuo gote . daz ir dâ mit erwerbet .
139,3 alle iuwer nôtdurft . des lîbes
139,4 unde der êwigen vrôuweden . gotes sun
139,5 quam in dise werlt . unde lêrte uns ein
139,6 kurz gebet . mit deme daz er wolte .
139,7 daz wir erbæten . alle unser nôtdurft .
139,8 des lîbes . unde des êwigen lîbes .
139,9 diz gebet wirdet geebenmâzet .
139,10 einen wazzere . daz ein lamp müge
139,11 waten . unde ein helfentier müge
139,12 swimmen . diz gebet ist solich .
139,13 daz iz ein iegelich . mennische . wole
139,14 müge lernen . unde vestenen . unde eines
139,15 iegelîchen wîsen mannes sin
139,16 übertreffen . mîn vile lieber got .
139,17 tihte selbe diz gebet . unde lêrte

140,1 uns diz gebet . unde lêrte uns dâ mit
140,2 ûf stîgen . zuo den himelischen vrôuweden .
140,3 also mit einer leiteren . dise leiterboume
140,4 dirre leiteren . ist daz geistlîche
140,5 leben . unde daz guote werltlîche
140,6 leben . der in siben sprozzen der bete .
140,7 die gotelîche wîsheit . hât gevelzet .
140,8 vile lieben brüedere . ir stênt an
140,9 dem êresten sprozzen . der leiteren .
140,10 sô ir ruofent zuo himele . pater noster . daz
140,11 spricht vater unser . vile lieben
140,12 denket waz ir sprechet . ir heizet
140,13 got iuweren vater . “si deus . pater noster .
140,14 est tunc estis fratres Jêsu Christî . qui est
140,15 filius filius deî .” ist got iuwer vater . sô sint
140,16 ir brüedere unseres hêrren . Jêsu Christî .
140,17 der gotes sun ist . unde ob ir also die

141,1 kint tuont . die werc die iuwern vater
141,2 gevallent . sô entvâhent ir âne zwîvel .
141,3 daz erbe von gote . mit unserme hêrren .
141,4 Jêsu Christô . dâr nâch sprechent ir alsus .
141,5 “qui . es . in celis .” der dû dâ bist . in den himelen .
141,6 alsô spricht iz . vile lieben brüedere .
141,7 doch got allenthalben sî . doch
141,8 wonet er dâ inne . die dâ himele
141,9 sint genant .. wande er sie erliuhtet .
141,10 vürebaz mit sînen genâden . vile lieben
141,11 nâch disen worten . wirdet er

- 141,12 guot zuo manne . daz ir sint die
141,13 himele . in den got geruochet zuo
141,14 sîne . dâr nâch sprechent ir . “sanctificetur
141,15 nomen tuum .” daz sprichet dîn
141,16 name werde geheiliget . vile lieben
141,17 gotes namen . was unde ist alle
- 142,1 zît geheiliget . gotes name
142,2 ist gotes wort . gotes wort heizet
142,3 unser hêrre . Jêsus Christus . der heizet
142,4 unser vater . nû bitet unsern
142,5 trehtîn . daz er sînen namen .
142,6 daz ist unser hêrre Jêsu Christus .
142,7 der nû vater heizet alsô . an iuch
142,8 werden wir geheiliget . daz ir
142,9 mit guoten werken des wirdic
142,10 werdent . daz ir sîne kint mûgent
142,11 geheizt werden . von Christô . sint
142,12 ir kristen geheizt . unde daz ir mit
142,13 ime mûgent werden al ein . dâr
142,14 umbe bitent ir die êwigen heilicheit .
142,15 die ir mit ime mûgent
142,16 entwâhen . in sîneme rîche . dâr umbe tretent
142,17 ir ûfe den anderen sprozzen .
- 143,1 unde sprechent alsus . “adveniat
143,2 regnum tuum .” zuo kume uns dîn rîche .
143,3 daz er geruoche an uns zuo verlîbenne .
143,4 unde mache uns wirdic
143,5 dînes rîches . dâr nâch setzent
143,6 ir iuweren vuoz . an den dritten staffel .
143,7 unde sprechen . “fiat voluntas tua .
143,8 sicut in celo et in terra .” daz sprichet dîn
143,9 wille werde hier in der erden . also
143,10 dâ in den himelen . daz ist alsô dir
143,11 wole gevellet an dem himele . unde
143,12 an den engelen . alsô müeze dir
143,13 hiute wole gevallen . an der erden .
143,14 daz dû uns gelîch machest den
143,15 engelen . die dâ nie gesunden . dise
143,16 driu gebet treffent zuo gote .
143,17 aber die werc dâ nâch gênt .
- 144,1 treffent zuo der werlte . mit den
144,2 drîn Worten . biten wir des himelrîches .
144,3 mit den werken die
144,4 dâ nâch gênt . biten wir der
144,5 dinge . die uns nôt sint in dirre

144,6 werlte . durch daz klimbent ir an
144,7 den vierden grât . unde ruofen alsus .
144,8 “panemen nostrum cotidianum da nobis
144,9 hodie .” daz sprichet . unser tagelich
144,10 brôt . verlîch uns hiute .
144,11 daz tagelîche brôt . ist die lîpnarunge .
144,12 [!!] [!!] durch daz vlêhet
144,13 ir gote . daz er iuch âne sünde
144,14 verlihe die lîpnarunge . âne die
144,15 mennischlîche broedicheit . niet geweren
144,16 mac . daz tagelîche brôt . wirdet
144,17 vernomen . ouch vûre unsers hêrren

145,1 lîchamen . vile lieben nû sulent
145,2 ir biten unsern hêrren . daz ir es alles
145,3 wirdic sît . sînes lîchamen
145,4 ob ir ez niet tagelîche envâhent .
145,5 mit iuweren munde . daz ir doch
145,6 wirdic werdent iz tagelîche
145,7 zuo envâhenne . mit dem munde der
145,8 êwarte . daz brôt bezeichnenet
145,9 die geistlîche lêre . âne die diu
145,10 sêle . niet en mac geleben . danne der
145,11 lîp âne spîse . der sêlen âne en mac
145,12 nieman kumen . zuo der himelischen
145,13 heimuote . den vûnften grât .
145,14 begrîfent ir . unde sprechent . “et dimitte
145,15 nobis debita nostram sicut et
145,16 nos dimittimus debitoribus nostris .”
145,17 mîne vile lieben vergebent ir

146,1 den . die an iuch sündent . sô vergibet
146,2 iuch got . waz ir wider ime
146,3 tuot . vergebet aber ir niet . sô vergibet
146,4 iuch got niet . unde danne vluochent
146,5 ir iuch selben . mit disen worte .
146,6 unde bitent got . daz er iuch
146,7 niet vergebe . verswîget ir aber diz
146,8 wort . sô ne ervûllet ir niet diz gebet .
146,9 unde dâr umbe vernimet
146,10 got iuwer gebet niet . an deme
146,11 jungesten grâde . stênt ir unde ruofent
146,12 zuo gote . “et ne nos inducas .
146,13 in temptacionem .” daz sprichet
146,14 niet en verleite uns . in decheine
146,15 bekorunge . vile schiere got bekoret .
146,16 nieman sô er alle herzen bekorete
146,17 beschouwete . ein iegelich wort

- 147,1 bekoren von deme tiuvele . unde
147,2 daz selbe geschiet von gotes verhengnisse .
147,3 der tiuvel bekorete den
147,4 guoten mennischen . zuo einer bewærunge .
147,5 obe der mennische ime niet .
147,6 en gehillet mit den sünden .
147,7 wande sô der mennische überwindet .
147,8 sô entvæhet er die krône des
147,9 êwigen lîbes . durch daz bitent
147,10 iuweren trehtîn . daz er iuch lâze
147,11 bekoret werden . daz ir den
147,12 sünden gehellet . daz ir aber wider
147,13 kumet . an deme sibenden
147,14 sprozzen stênt ir unde sprechent .
147,15 “set libera nos a malo .” daz sprichet
147,16 ledige uns von allem übele .
147,17 daz ist von der hellen . unde
- 148,1 von allen den dingen . die uns
148,2 leident von der vinsternisse . des
148,3 êwigen tôdes . vile lieben kint . mit diseme gebete wirdet ein
148,4 suone . zwischen lîbe unde sêle . mit
148,5 diseme gebete . solen wir gedingen .
148,6 den êwigen lîp . unde sêle . mit
148,7 diseme gebete solen wir kumen .
148,8 zuo deme êwigen rîche . âmên .
148,9 dô sprach unser hêrre . zuo der
148,10 minnenten sêlen . “dû edele
148,11 minnente sêle . dich grüezet der
148,12 himelhêrre . dû bist sêre geminnet .
148,13 von gote der engel hêrren .
148,14 wie ich dich hân geminnet . sus
148,15 sal ich ez beginnen . got wolte
148,16 durch dich mennische werden . unde
- 149,1 zuo dir kumen ûf die erden .
149,2 unde geleget werden in eine krippen .
149,3 dô [!!] würde dû mir mennische
149,4 sippe . dô ich die mennischheit an
149,5 mich nam . von einer reiner
149,6 meide . wart ich geboren . mit
149,7 meitlîcher milche . wart ich gezogen .
149,8 kurzlîche ich iz sagen .
149,9 niet en wolte mir versmâhen .
149,10 daz ich dich
149,11 bî mir muoste hân .
149,12 kûme hân ich dich gelocket .

149,13 mit manigen herzen
149,14 bluotes tropfen manicvaltich
149,15 was mîn nôt . dâr nâch leit
149,16 ich den bitteren tôt . von minnen
149,17 wart ich verkoufet . unde

150,1 wart ich ûf gesloufet . an ein kriuze
150,2 sie mich hiengen . mîn spotten
150,3 die dâ vüre giengen . sie viengen
150,4 mich als ein diep . daz was
150,5 mir allez durch dich liep . ich
150,6 bin geslagen unde gevangen
150,7 unde an daz kriuze gehangen .
150,8 mit nagelen gestochen . mit bluote
150,9 wole begozzen . nie en mohten
150,10 sie mich sô sêre gestôzen .
150,11 daz ich dîn ouch
150,12 mohte vergezzen . swie
150,13 sêre ich mit bluote wære begozzen .
150,14 vaste wære dû in mîneme
150,15 herzen beslozen . an deme kriuze
150,16 wart ich sêre gedenet . von
150,17 mîner swære wile ich dir sagen

151,1 mêr . daz man allez . mîn
151,2 gebeine . mohte gezelet hân
151,3 grôz . unde kleine . zuo deme tôde
151,4 ich mich . geneigte . niet
151,5 en hâte ich dâ ich mîn bluotigez
151,6 [!!] houbet ûf . geneigte . mîn
151,7 houbet hâten mir die dornenkrône
151,8 durchstochen . dâ quam ûz
151,9 manic bluotes . zaher gevlozen .
151,10 mîn vriunt kuste mich in untriuwen .
151,11 daz leit ich allez durch
151,12 dich . nû sich wie mîn vriunt
151,13 mich verriet . wie mir daz
151,14 sper durch mîne sîten gienc .
151,15 waz wilt dû daz ich dir sage
151,16 mêr . ô wê joch waz mir alsô
151,17 wê . dô sie mich durch die hende

152,1 stâchen . gewâfenet sie mich
152,2 suochten . gebunden als einen schæchære .
152,3 sie mich hine vuorten . von
152,4 mînen vriunden wart ich verlâzen .
152,5 mîn nôt was alse unmâzen .
152,6 die hende begonden sie

152,7 mir binden . dâ begunde bluot
 152,8 ûz rinnen . sie sazten mir ûf
 152,9 eine dornenkrône . sich mennische
 152,10 wie dû mir lônnes . under die
 152,11 schæchære wart ich erhangen .
 152,12 sie gâben mir zuo trinkenne ezzich
 152,13 unde gallen . sie bespîweten mir
 152,14 daz antlûtze ze wære . unde zestâchen
 152,15 mir die vüeze gare . unde ungevüege
 152,16 was mîn nôt . ûzer
 152,17 mîner sîten gôz ich wazzer

153,1 unde bluot . daz ich dich gewüesche .
 153,2 mir bluotten mîne vüeze . mîne
 153,3 vüeze unde mîne hende . liez ich
 153,4 mir durchgraben beide . die sîten
 153,5 wole durchstechen . dâ vluzzen
 153,6 ûz . die bluotes beche . dâ mite
 153,7 ich dich gewaschen hân . dû
 153,8 bist mîn liebe mîn trûte . mir
 153,9 mac ûfe der erden . niemer niet
 153,10 liep werden . liep von herzenswære .
 153,11 dû allerliebste . waz mac ich
 153,12 mêr gesprechen . dû bist mîn herzebreche .
 153,13 mîn herze dir minne
 153,14 entbôt . mit manigeme bluotes
 153,15 tropfen rôten . dîner minnen boten .
 153,16 wâren bluotes tropfen . die ûzer
 153,17 mîner sîten vluzzen . si kunten .

154,1 dir den smerzen . den ich an mîneme
 154,2 herzen . leit . von dîner minnen .
 154,3 die juden wâren mir grimme .
 154,4 ir decheiner mir entleim . ich
 154,5 stuont allez unde sweic . vile ungevüege
 154,6 ire schelten was . über den
 154,7 engelen dâ ich saz . sie lobeten
 154,8 mich endelîche . unde dienten mir
 154,9 vlîzicliche . dô ich ûfe die erden
 154,10 quam . unde die mennischheit an mich nam .
 154,11 dô muoste ich schelten hoeren . sie sluogen
 154,12 mich an mîn ôren . ir iegelich
 154,13 begonde mich rüegen . ire spot was
 154,14 ungevüege . alsus hâte mich dîne
 154,15 minne betwungen . an die sûl wart
 154,16 ich als ein mordære gebunden .
 154,17 dâr ane wart mir gegeben manic

155,1 grôz unde grimme slac . sie en gâben
155,2 mir decheinen vriden . mit bluote
155,3 was ich wole besigen . sich ich
155,4 muoste mich selbe bücken . daz kriuze
155,5 tragen ûfe mîneme rügge . den
155,6 sie mir zeslagen hâten . alsus wolte
155,7 ich dich mennische holen . durch
155,8 dich in grôze nôt . urkünde ist
155,9 mir der bitter tôt . wes mîn
155,10 herze von dir entsuop . dô ich an
155,11 dem kriuze starp . dâr nâch legeten
155,12 sie mich in ein grap . dâ lac ich
155,13 biz an den dritten tac . dô erstuont
155,14 ich vile hôhe . über der engel kôre .
155,15 lâz mich dîne stimme hoeren . sprich
155,16 zuo guotlîche . unde minniclîche . ervröuwe
155,17 mich mit dînen gûeten . wer

156,1 kan mîn ellendez herze . daz
156,2 durch dich leit grôzen smerzen .
156,3 ûzer aller mîner hantgetât .
156,4 ich dich mennische erwelet hân .
156,5 dû bist mir liep . daz sî dir kunt
156,6 von dîner minnen wart ich
156,7 wunt . ich was dîn küninc . unde
156,8 dîn hêrre . vergiz mîn mennische
156,9 niemer mêre .” diz sprach unser
156,10 hêrre . zuo der minnenten sêle . antwürte
156,11 deme himelischen hêrren . “liep vore
156,12 alleme liebe . aller tugende ein
156,13 spiegel . der engele hêrre . unde got mich
156,14 hânt dîne sûeze wort . überwunden
156,15 sô sêre . daz ich dîn niemer
156,16 mêr . von liebe noch von leide .
156,17 mich en mac von dir gescheiden

157,1 zuo dir hâs dû mich gebunden .
157,2 mit dînen bluotigen handen . der
157,3 ich niet vergezzen mac . weder
157,4 naht joch tac . nie herze noch zunge .
157,5 en mohte von dir gesprechen .
157,6 vollen vriuntlîche
157,7 alse wir zuo rehte
157,8 solten . von herzen
157,9 bluome mîn ruowe .
157,10 aller vröuweden ein vrô wünne .
157,11 von der ich wider jungen . liep
157,12 ûzer aller liebe erkoren . von einer

157,13 meide bist dû geboren . mînes
157,14 herzen hêrre . unde der engel weide . wie
157,15 lange solen wir sîn gescheiden ."
157,16 zuo der rehten minnenten sêlen .
157,17 spricht der rehte himelische hêrre .

158,1 "lâ mich mennische geniezen . daz
158,2 ich durch dîne minne . unde dîne
158,3 liebe . dem tôde niet entvlihen .
158,4 sich wie mir mîne wunden .
158,5 mit bluote wâren berunnen .
158,6 wie mich
158,7 durch . mîne hirne
158,8 stâchen der krônen
158,9 dorne . gedenket
158,10 mînes bluotigen sweizes tropfen .
158,11 swanne ich zuo dîneme herzen
158,12 klopfen . en trîp mich niet ûz
158,13 von dir . joch bin ich dîner sêlen
158,14 lieb . zuo allen zîten warten ich
158,15 dîn wanne dû zuo mir kumest
158,16 dû vliuhes dannen . von allen dînen
158,17 sinnen . den der dich von herzen

159,1 minnet . beide spâte unde vruo .
159,2 dîne sünde mich . betrüebent . ô wê
159,3 mennische waz wîzes dû mir . nie
159,4 geminnete . ich vüre dich . joch bin
159,5 ich iz got der guote . der dich
159,6 gewaschen hât mit sînem bluote .
159,7 wâr umbe vertribes dû mich .
159,8 sô ich von herzen minnen dich .
159,9 von dînen sünden kêre zuo gote
159,10 dîneme hêrren . hâs dû gesündet
159,11 ûzer zale . ich wile iz lâzen allez
159,12 varen . wilt dû dîne sünde
159,13 mîden . unde in der bîhten niet
159,14 verswîgen . ich wile dich lieplîche
159,15 entvâhen . die bluotenten wunden
159,16 mîn . die en lâzent mich niet
159,17 vergezzen dîn . nû biten ich

160,1 dich durch mîne liebe . daz dû niemer
160,2 von mir en gevliehest . swanne
160,3 dû mennische von mir geist . unde alsô
160,4 verre von mir steist . sô sehe
160,5 ich dich alsô gerne . iz mohte
160,6 dich erbarmen . zuo allen zîten

160,7 warten ich dîn . in minnen
160,8 tougen . mîne barmherzigen
160,9 ougen . dû vliuhest allez vore mir .
160,10 sô warten ich allez nâch dir .
160,11 von mir dû niet vliehen en salt .
160,12 ich wære swie dû wolte . dû
160,13 mit eineme kinde . soltes wunderes
160,14 vinden . an mir harte vile .
160,15 sich wie ich in der wigen lac .
160,16 beide naht unde tac . woltes dû .
160,17 aber trûric wesen . gedenke

161,1 an mîne marteles sûre . die ich
161,2 durch dich geliten hân . alse
161,3 dû dicke hoerest sagen . wilt dû
161,4 aber wesen vrô . wie ich nû sitzen
161,5 über der engel kôr . daz
161,6 êwige lop von in hoeren . waz
161,7 dir werre klages dû mir . ich
161,8 bûezen iz allez gerne dir . zuo
161,9 mir kêre dînen muot . ich bin
161,10 dîn hêrre unde ouch dîn got . ”
161,11 diz sprach die minnente sêle .
161,12 zuo ireme lieben hêrren . die rehte
161,13 minnente sêle . sprichet zuo
161,14 der engel hêrren . “daz herze
161,15 twinget die zungen . daz ich
161,16 sprechen muoz zuo stunten . nû
161,17 en mac ich niet vollen . alse

162,1 daz herze wolte ich wile alle
162,2 [!!] die lâzen die mir nâhe unde
162,3 verre sint ich wile dir volgen aleine
162,4 mit herzen ich dich meinen .
162,5 joch wile ich mich aller der getroesten
162,6 dîn eines hulde haben allen
162,7 mînen vriunden wile ich widersagen
162,8 vriunde unde vîanden ir
162,9 solent gote von himelrîche in
162,10 deme herzen entwîchen daz wile
162,11 aleine haben des en wile ich ime .
162,12 niet versagen âmên”